

Ña najána ha Jesucristo nu Juan

Tá nanaha Jesucristo mé á nu Juan

¹ Ña yóho cúu ña nanaha Ndióxi nuú Jesucristo ña ná cuu jánaha mé á ña nuú na cúu cuéntá mé á. Ta nachindahá Jesucristo in tátō mé á nuú yehe, da cúu Juan, da cája chúun cuéntá mé á já ná caxi tuhun tátō mé á xihín i ndá a quéa yaha chága chí nuú. Ta cúu á ña sa cáyati vaxi.

² Ta ndícani ndaa ndihi i sahá ña naxini i xihín nuú i ta nacyhyí i tóco ndihi ña yóho. Ta nasahan Jesucristo tuhun a nuú i ña cúu á ña ndaa.

³ Cajji ini ñayivi tá cáhvi na ña nacyhyí i yóho ta cajji ini na xini johō na ña yóho nani cáhvi inga na ña jáchi cúu á ña naquixi cuéntá Ndióxi. Cajji ini ñayivi tá cája na ña cáchi a jáchi sa nacyati quivi coo tóco ndihi ña yóho.

Cáhyi Juan ña yóho nu ndíhusa ñuu nu ndítaca na cúu cuéntá Jesús

⁴ Yehe cúu Juan ta cáhyi i carta yóho nuú ndíhusa ñuu nu ndúu na cúu cuéntá Jesús estado Asia. Ña cúni quéa ná caja cuaha Ndióxi ñamaní xihin ndó ta ná caja mé á ña ná coo vaha ini ndó. Mé Ndióxi ín a viti ta nasahin a janda tá camaní cava sáhá saha ñuyívi ta quixi a ñuyívi yóho. Ta cúni ña ná caja cuahá ínimá yii Ndióxi ñamaní xihin ndó. Mé a cán cáa tátuhun usa ínimá yii ta ndúu na nu Ndióxi, mé nu ín coo a cómi a cuéntá sahá indivi cán.

⁵ Ta cúni ña ná caja cuahá Jesucristo ñamaní xihin ndo, mé á cáhan ña ndaa sahá ña naxini a. Ta mé á nasacuu ña nu cuítí nanditacu tañu na sa naxihi. Ta cómi a cuéntá saha tóco ndihi rey, na cómi cuéntá sahá ñayivi ñuyíví yóho. Ta quíhvi ini Jesucristo mí ta najándoo a cuachí tá naxita nii á ndica crúxu.

⁶ Ta tóco ndihi mí, na cándéé ini mé á najándique táhan mé á mí já ná cacomí a cuéntá saha yo. Ta nandaja mé á mí nanduú tátuhun jutú ña ná caja cáhnu yó Ndióxi, mé a cúú tátá Jesucristo. Cáhnu ná cacuu mé á anda ama cáa quívi jáchi ín ndée mé á caja tóco ndihi ñaha anda ama cáa quívi. Já ná coo.

⁷ Sa nacayati quívi quixi Jesucristo tañu vico. Ta tóco ndihi ñayivi cuni ñahá ta janda na nasahní ñahá cán cuni na a. Ta tóco ndihi ñayivi ndúu ndi-jáá ñuu ní cúú saha ñuyíví canduu cuéha ndivaha ini na saha mé á. Já ná coo.

⁸ Ta já cáchi Jesucristo, xitoho í saha mé á: “Yehe cúú mé a nu cuítí ta yehe cúú mé a nu ndihí jáchi janda tá cámani cava sáhá saha tóco ndihi ñaha sa ín va yehe ta coo tá coo i vatí ná ndihi sahá”, cáchi a. Mé a cúú Ndióxi, ña ín ndée cája tóco ndihi ñaha. Ta mé á ín a viti ta nasahjin a janda tá cámani cava sáhá saha ñuyíví ta quixi a ñuyíví yóho.

Naha Jesucristo nu Juan ndá quiahva cáhnu cúú mé á

⁹ Yehe cúú Juan ta cúú u ñani ndó, na cúú cuéntá Jesús. Ta sahá ña cándéé ini i Jesús sahá ña cán quea nañehe táhvi i xihin mé ndó cacomí Ndióxi cuéntá saha ndihí. Ta cóo caja toho ña ná ndoho ini ñuyíví yóho jáchi sahan Ndióxi tuhun ndée ini já ná cuu caja ndeé ini tá ndóho ini. Natava xóo na yehe ta

naṣaḥan ñehe na yeḥe isla naní Patmos sahá ña naḁica nuu i naçahan i tuhun Ndióxi, ña cúú ña ndaa, ña najánaḥa Jesucristo nuú i.

10 Ta ndaja coo nandindaa quiṽi coo ña naṣacu ini Jesucristo, xitoho í ta mé tañu já naçhutú ndaa ínima i xihín ínima yii Ndióxi ta já naḁini johó i cáhan cóhó in a chí jatá i ta naṣacuu a tátuhun tá tiví na trompeta.

11 Ta mé tuhun naḁini johó i cán naçachi a já xihín i:

—Yeḥe cúú mé a nu cuítí ta yeḥe cúú mé a nu ndihí jáchi janda tá cámaní çava sahá saḥa tóco ndihi ñaha sa ín va yeḥe ta coo tá coo i vatí ná ndihi sahá. Tóco ndihi ña ná cunún yóho xíní ñúhú çahyún ña nuú in libro. Ta já chindahún ña nuú ndihusa ñuu estado Asia nu ndúu na cúú cuéntá mí i. Chindahún ña nuú na ndúu ñuu Efeso xihín nuú na ndúu ñuu Esmirna xihín nuú na ndúu ñuu Pérgamo xihín nuú na ndúu ñuu Tiatira xihín nuú na ndúu ñuu Sardis xihín nuú na ndúu ñuu Filadelfia xihín nuú na ndúu ñuu Laodicea viti — naçachi a xihín i.

12 Tá naḁini johó i ña yóho já nandicoto nihni jatá i sándeḥé e yo cáhan xihín i. Ta já naḁini i usa ña jiuḥun cuáán nu sándójó ña túun.

13 Ta tañu ña cán naḁini i in a cúni coo tá cúni coo ñayivi ta ndíxi a in jáhma cáni ña janda sahá xínu çoo a xihín quiaḥva cáni á. Ta naḁini i ndáçaan in cinturón ña jiuḥun cuáán tóco á ta cáni a janda yati yicá ndicá a.

14 Ta ijí jini á cúú á ña yaa çachi tátuhun yaa yucú yáhvá. Ta nduchú núú a cúú á tátuhun ñúhu ita.

15 Ta tá quiaḥva yeḥe çaa ña jándutu na ini horno

quiahva já yéhe sahá. Ta nihi ndivaha cáhan mé á ta cúu á tátuhun tá xójo cúyu ticuú yuta tañu cáva.

¹⁶ Ta naxini i ñúhu usa quimi ini ndahá cuáha mé á. Ta ini yúhu a naxini i quéta in yuchú cáni ña jeen ndíví xoo yúhu. Ta naxini i yéhe ndivaha nuu á tá quiahva yéhe candii caxivi ndaa.

¹⁷ Tá naxini i mé á já nandicava i sahá tátuhun in ndii. Joo mé á naxinúu a ndahá cuáha jatá i já nacachi a já xihín i:

—A cáyihví tohún. Yehe cúu mé á nu cuítí ta cúu u mé a nu ndíhí.

¹⁸ Tácú tá tácú va yehe. Mé a ndaa nasacuu u ndii joo viti tácú u ta catacu u anda ama cáa quivi. Ta yehe naquee vaha i tá nanditacu tucu u tañu ndii ta viti cómi i cuéntá sahá nu ndúu ínimá na sa naxihí.

¹⁹ Xíní ñúhú cahyún ña naxinún. Ta xíní ñúhú cahyún sahá ña cúu viti ta já cahyún sahá ña coo chága chí nuu.

²⁰ Ña yóho quéa cuni cachi ndíhusa quimi naxinún ñúhu ini ndahá cuáha i xihín ndíhusa ña jiuhun cuáan nu sándójó ña túun. Ndíhusa quimi cán cúu rí yuhú nuu in in na cómi cuéntá sahá usa veñuhu nu táca na cúu cuéntá Jesús. Ta ndíhusa nu sándójó ña túun cán cúu á yuhú nuu usa veñuhu. Ta ña yóho coo naxini ñayivi jáchi nasacuu a ña jehé.

2

Ña nacachi Jesús xihín na cúu cuéntá mé á ndúu ñuu Efeso

¹ 'Cahyún in carta nuú da cómi cuéntá sahá na cúu cuéntá mí i ndúu ñuu Efeso. Ta ña cahyún cúu ña yóho: “Ña yóho cúu tũhun cáhan Jesús, mé a ñúhu usa quimi ini ndahá cuáha, mé a xíca nuu tañu usa ña jũhun cuáán nu sándójó ña túun. Ta ña yóho quéa cáhan Jesús xihĩn ndó, na ñuu Efeso:

² Sa cándaã ndihi ini i ndá quiahva cája ndó. Cándãã vaħa ini i ña ndúcú ndéé ndo cája chũun ndó cuéntá mí i. Ta co jándacoo ndó chuun cája ndó cuéntá mí i. Ta sa cándaã vaħa ini i ña co ndéé ini ndó xihĩn ña cája ñayivĩ quini. Ta sa cándaã ini i ña sa naxito ndojó ndó na cáchĩ cúu apóstol cuéntá Ndióxi joo co cúu toho na apóstol jáchi cúu ná na tũhũn cuitĩ va.

³ Ta sa cándaã cáxĩ ini i ña co jándacoo ndó cája chũun ndó cuéntá mí i. Ta cuahá ndivaha tañu ndóho ini ndó sahá i. Ta co cánaá ndó xihĩn ña yóho.

⁴ Joo ĩin in ñaha cáhan cuachĩ i nu ndó saħa: Ta ña cúni caħan i saħa cán quéa co cúni ga ndó yeħe tá quiahva naçacúni ndó yeħe janda mé saħa.

⁵ Ña cán quéa ndítahan ndicũhun ini ndó ndá quiahva naçacúni ndó yeħe jihna. Ta ndítahan nu ndó ndicó coo ini ndó ta caja ndó tá quiahva naçaja ndó janda mé saħa. Á tá coo ta xinu yachi i nu ndo ta tavá i ña cándójó, ña túun nu ndo. Caja i ña yóho xihĩn ndo tá ná a ndicó coo ini ndó.

⁶ Joo mé a ndaa cáji ini i xihĩn ndo jáchi cándajĩ ndó ña núu cája na xíca cuéntá nicolaítas jan. Jáchi co táhán ri ini yeħe xihĩn ña núu cája na jan.

⁷ Cuni joho vaħa ndó, na vaħa joho ña cáhan ĩnima yĩ Ndióxi xihĩn na cúu cuéntá mí i, na táca veñũhu: Ndá na ná quee vaħa tañu tóco ndihi ña

núu ñuyívi yóho, na cán cúu na quiahva i ñamaní nuu caxí cuihi cúun nu yító, dó cája ña ná catacu ñayivi anda ama cáa quívi. Mé yító cán cándichi dó nu íin Ndióxi.”

Carta cuahan nuú na cúu cuéntá Jesús ndúu ñuu Esmirna

⁸ Cahyún inga carta cuhun nuú da cómi cuéntá sahá na cúu cuéntá mí i ndúu ñuu Esmirna. Ta ña cahyún nu ná cúu ña yóho: “Ña yóho quea cáchi Jesús, mé a cúu á nu cuítí ta cúu á nu ndíhí, mé á sa naxihí ta já nanditacu tucu a. Ta já cáchi a já xihín ndó, na ñuu Esmirna:

⁹ Sa xíni vaha i ndá quiahva ndóho ini ndó. Ta xíni ndá quiahva cándahví ndo. Joo mé a ndaa cúu ndó na cuicá nu Ndióxi. Ta sa xíni ndá quiahva cáhan núu na saha ndo jáchi cáchi na cúu ná na Israel joo a juú na. Cúu ná in táhnda na cája cáhnu Satanás, mé tiñáhá sacuahá va.

¹⁰ A cáyihví toho ndó sahá ña vaxi nu ndó ndoho ini ndó. Jáchi ñayivi quini, na cúu cuéntá tiñáhá sacuahá taán na java ndohó vecaa já coto ndojó na ndohó. Ta tixi uxu quívi ndoho ini ndó. Ta xíni ñuhú cándeé tá cándeé ini ndó yehe vatí ná cahní na ndohó ta já ná caja i ña ñehe táhvi ndó catacu ndó anda ama cáa quívi.

¹¹ Cuni johó vaha ndó, na vaha johó ña cáhan ínimá yíi Ndióxi xihín na cúu cuéntá mí i, na táca veñuhu: Ndá na ná quee vaha nu tóco ndihi ña núu ñuyívi yóho, na cán cúu na a cuhun toho na ndoho ini na indayá. Jáchi tá ndóho ini ñayivi indayá cúu á tátuhun xíhi na chí ivi.”

Carta cuahān nuú nā cúú cuéntá Jesús ndúu ñuu Pérgamo

12 'Caḥyún inga carta cuḥun nuú da cómi cuéntá sahá nā cúú cuéntá mí i ndúu ñuu Pérgamo. Ta já cachún já nu carta jan: “Jesús, mé a ñéhe yúchu cáni ña jeen ndíví xoo yúhu cán quéa cáchí já:

13 Sa xíní vaḥa i ña ín ndó ñuu Pérgamo nu cāja Satanás, mé tiñáhá saḥaḥa ña cúni mé rí xihín ñayivi. Joo xihín ndinuhu ini ndó cāja ndó ña táhan ini i xihín. Ta coó najándacoo ndó ña cāndeé ini ndó yeḥe vatí naxini ndó ndá quiahva naḥaja na xihín Antipas, mé da naḥacāndeé cáhnu ini yeḥe cán. Jáchi naḥahní nā da mé ñuu jan nu cómi Satanás, mé tiñáhá saḥaḥa cuéntá sahá ñayivi.

14 Joo ín in ñaha cáhan cuachi i nu ndó saḥa. Jáchi sahan ndó ñamaní nuú java ñayivi cán ña ná candico cáhnu na ña najánaḥa Balaam. Mé Balaam jan cúú dá da najánaḥa Balac ndaja cāja da jácāhan da nā Israel cāja na cuachi tátuhun ná cuxu na ña najoco ñayivi nuú yoco ta ná cuju xihín táhan ñayivi vatí co cúú ná yíi ná á ñájíhí nā.

15 Ta co ín vaḥa ini i xihín ndó, nā ñuu Pérgamo jáchi sahan ndó ñamaní nuú java ñayivi ña ná candico nā jatá nā nicolaítas. Ta cándají ndivaḥa i ña jánaḥa nā jan.

16 Xíní ñúhú ndicó coo ini ndó ta caca vaḥa ndó íchi cuéntá mí i. Á tá coó ta saa yachi nu ndúu ndó jan. Ta xihín tuhun caḥan i caní táhan i xihín nā cāja cuachi jan. Ta mé tuhun caḥan i cacuu a tátuhun yúchu cáni ña cana yuhú u.

17 Cuni johō vaḥa ndó, nā vaḥa johō ña cáhan ínimā yíi Ndióxi xihín nā cúú cuéntá mí i, nā táca

veñuhu: Ndá na ná quee vaha nuú ña núu já quea quiahva i ñamani nu ná cuxu na pan yi, ña cúu tátuhun maná, ña naquixi indiví. Ta ña yóho cúu á ña nasahiin jehé nuú ñayivi. Ta já quiahva ri in yuú yaa nuú in in ñayivi nu ndáa quiví saá na. In túhún na ná ndiquehe yuú yaa cán cúu na xini yo quiví quea ndáa nu á.”

Carta cuahan nuú na cúu cuéntá Jesús ndúu ñuu Tiatira

¹⁸ 'Cahyún inga tucu carta ná cuhun a nuú da cómi cuéntá sahá na cúu cuéntá mí i ndúu ñuu Tiatira. Ta já cachún já xihin ná: “Ña yóho quea cáchí Jesús, mé a cúu in túhún jini já jahyí Ndióxi. Ta mé á quea yéhe nduchú nuú a tátuhun ñuhu ita ta yéhe sahá tá quiahva yéhe caa, ña jándutu na ini horno. Ta mé á cáchí a já xihin ndóhó, na ñuu Tiatira:

¹⁹ Sa xini vaha i tóco ndihi ña cája ndó. Xini vaha i ña cúni ndó yéhe. Ta xini vaha i ña cándeé cáhnu ini ndó yéhe. Ta sa xini vaha i ña co jándacoo ndó cája ndó ña cáji íni i xihin. Ta sa cándaa vaha ini i ña ndíhi chága ini ndó cája chúun ndó cuéntá mí i a juú ga tá nacasáhá ndo cándeé ini ndó yéhe.

²⁰ Joo ín in ñaha ña cúni cahan cuachi i xihin ndó sahá. Jáchi co cúni ndó jánani ndó ña naní Jezabel, ña ín tañu ndó jan. Vatí cáchí ña ña cáhan ña cuéntá Ndióxi joo xihin ña quixi jini mé ña jándahvi ña na cúu cuéntá mí i. Jáchi jácahan ña na ná cuju xihin táhan na, na co cúu yi ná á ñajíhi na. Ta jánaha ña na ña ná cuxu na ña najoco ñayivi nuú yoco.

²¹ Sa nasandati ndivaha i ña ná ndicó co ini ña sahá cuachi cája ña joo co cúni ña jándacoo ña ña

quiji ñá xihín na co cúu yí ña.

22 Sahá ña cán quéa caja i ña ná quihvi ndeé ña candúhu ñá xito ñá. Ta caja i ña ná ndoho ndivaha ini ndihi da quiji xihín ña tá ná a jándacoo da cuachi cája da xihín ña jáchi ña jan cúu ña najána ha ñá nu dá caja da.

23 Ta caja i ña ná quivi ndihi jahyi ñá. Ta xihín tóco ndihi ña yóho cuni na cúu cuénta mí i, na ndúu ndijáa ñuu ña mé a ndaa xini vaha i ña cáhvi ini ñayivi ta xini ndaja ín ínima ná. Ta quiahva i nuú in in ndó ña ndítahan quehe ndó sahá ña naçaja ndó.

24 Ta viti cúni cahan i xihín java ga ndó, na cúu cuénta mí i ndúu ñuu Tiatira jan. Jáchi co ndíco ndo jatá ña jána ha ñá cán ta co ndíco ndó jatá ña cáchi ñayivi cúu ña ndíchí ndivaha cuénta Satanás, mé tiñáhá sacuha. Ña cúni cachi i xihín mé ndó quéa coó ga inga chuun sáhnda i nu ndo.

25 Joo xini ñuhú candita ndacú ndo janda quiahva ná saa i nu ndúu ndó jan.

26 Ta nda na ná quee vaha nuú ña núu ñuyíví yóho ta cája na ña cúni yehe xihín ndinuhu ini na janda quiví nu ndíhí já quéa caja i ña ná ñehe táhvi ná cahnda na chuun nuú ndijáa ñayivi ndúu ñuyíví.

27 Tá quiahva naçaja Ndióxi, tátá i xihín i tá nasahan mé á ndeé á nuú i quiahva já caja i xihín na cándeé ini yehe. Ñehe táhvi ná cacomí na cuénta sahá ñayivi ñuyíví ta cuu caja na tá quiahva cúni mé ná. Ta cuu jándihi na saha mé ñayivi ñuyíví tá quiahva cája ñayivi tá táhvi na quiji ndahyi.

28 Ta quiahva ri yehe ñamaní nuú na cúu cuénta mí i ña ná cacomí na quimi cáhnu, rí quéta tá ñayivi.

29 Cuni johho vaha ndó, na vaha johho ña cáhan ínimá yii Ndióxi xihín na cúu cuéntá mí i, na táca veñuhu.”

3

Carta cuahān nuú na cúu cuéntá Jesús ndúu ñuu Sardis

1 Cahyún inga tucu carta cuhūn nuú da cómi cuéntá sahá na cúu cuéntá mí i ndúu ñuu Sardis ta já cachún já xihín dá: “Ña yóho quea cáchi Jesús, mé a ñúhu ínimá yii Ndióxi ini, ña cúu ndíhusa yuhú nuu ínimá yii mé á. Ta mé á cómi a ndíhusa quimi ta ña yóho quea cáchi a xihín ndó, na ñuu Sardis jan: Xíni vaha i tóco ndihi ña cája ndó. Ta sa xíni vaha i ña cáhan ñayivi ña cája ndó tátuhun ñayivi tácu vatí mé a ndaa cúu ndó tátuhun ndii.

2 Xíni ñúhú ndicaxi vaha ini ndó ta a jándacoo ndó ña vaha cája ndó jan jáchi jalóho cúni ndihi sahá. Sándehé vaha i ña co cája ndó ña ndaa nu Ndióxi, tátá i.

3 Xíni ñúhú ndicuhun ini ndó ña nacatiāhva ndó cuéntá mí i ta a jándacoo ndó caja ndó ña. Ta xíni ñúhú ndicó coo ndó nu Ndióxi ta ndicaxí vaha ini ndó. Á tá coo ta jonáá cuití xinu coo i nu ndo já caja vii i saha ndo. Mé quivi co cáhan ndo xinu coo i nu ndo tá quiahva jonáá xinu da cuihná.

4 Joo mé a ndaa ndúu java ndó mé Sardis jan, na coo nacija quini mé xihín cuachi. Sahá ña cán quea cuu candixi na jahmá yaa ta já cuu caca tuun na xihín i jáchi ín sahá caja na já.

5 Jáchi ndá na ná quee vaha nuú ña núu ñuyívi yóho já quea candixi na jahmá yaa. Ta a jándoo i quivi ná nu libro, mé nu ndaa quivi tóco ndihi na

catacu anda ama cáa quivi. Ta nu Ndióxi, tátá i xihín nu tátó mé á cahan cáxi i ña jivi ndusa cúu ná cuéntá mí i.

⁶ Cuni johó vaha ndó, na vaha johó ña cahan ínimá yíi Ndióxi xihín na cúu cuéntá mí i, na táca veñuhu.”

Carta cuahan nuú na cúu cuéntá Jesús ndúu ñuu Filadelfia

⁷ Cahyún inga tucu carta cuhun nuú da cómi cuéntá sahá na cúu cuéntá mí i ndúu ñuu Filadelfia ta já cachún já xihín dá: “Ña yóho quéa cáchi Jesús, mé á cúu ña yíi ndivaha ta cúu á ña ndaa. Ta nu mé á íin yávi, ña nasacomí rey David. Ta tá suná mé á in yéhe ni in na a cuú chicaji ña. Ta tá chícaji mé á in yéhe ni in na a cuú cuná ña. Ta ña yóho quéa cáchi a xihín ndó, na ndúu ñuu Filadelfia jan:

⁸ Xíni vaha i tóco ndihi ña cája ndó. Nasuná i yéhe nu ndó ta ni in tuhún na a cuú chicaji ña. Ta cándaá vaha ini i ña cája tá cája ndó ña nasahnda i nu ndó caja ndó vatí coó cuaha ndée ndó. Ta co chíjehé tuhun ndó ña xíni ndó yehe.

⁹ Candehé ndó ña caja i xihín na tuhún, na cája cáhnu Satanás, mé tiñáhá sacuaña sahá ña cáchi na cúu ná na Israel joo a juú toho na. Caja i ña ná caxítí na nu ndó já ná ndicuni na ña mé a ndaa quíhvi ini i ndohó.

¹⁰ Coó najándacoo ndó cája ndó ña nasahnda i nu ndó caja ndó ta nasahan ndeé ini ndó sahá ña cán quéa chindeé v i ndohó ná a ndóho toho ndó ña núu vaxi jatá ñayivi ñuyíví yóho. Jáchi tá ná cayati mé hora já casáhá coto ndojó i tóco ndihi ñayivi ndúu ñuyíví.

11 Yachí saa i nu ndo. Ta coto a jándacoo ndó ña cándeé ini ndó yehe já queá ná a ndíquiahva i nuú inga na ña sácú vaha i quiahva i nu mé ndó.

12 Ta ndá na ná quee vaha nu tóco ndihi ña núu ñuyívi yóho, ndaja i na cán ná cacuu na tátuhun jihín, dó cúu ndée veñuhu Ndióxi, tátá i. Ta cán canduu na anda ama cáa quivi. Ta jata mé ná cahyí i quivi Ndióxi, tátá i. Ta sa mé yóho cahyí i quivi ñuu nu íin Ndióxi. Mé ñuu yóho cúu á inga Jerusalén, ña saá, ña vaxi chí indiví nu íin Ndióxi. Ta jivi jata mé ná cahyí i inga quivi saá i.

13 Cuni johó vaha ndó, na vaha johó ña cáhan ínima yíi Ndióxi xihín na cúu cuéntá mí i, na táca veñuhu.”

Carta cuahan nuú na cúu cuéntá Jesús ndúu ñuu Laodicea

14 Cahyún inga tucu carta cahun nuú da cómi cuéntá sahá na cúu cuéntá mí i ndúu ñuu Laodicea ta já cachún já xihín dá: “Ña yóho queá cáchí Jesús, mé a cúu ña ndaa. Mé a cáhan ña ndaa sahá ña naxini a xihín nuú á ta sahan tuhun a sahá. Ta mé á cúu á ña nacavaha tóco ndihi ñaha, ña sácú ini Ndióxi coo. Ta ña yóho queá cáchí a xihín ndó, na ñuu Laodicea:

15 Xíni vaha i tóco ndihi ña cája ndó. Ta xíni vaha i ña mé ndó co cúu ndó tátuhun in ñaha ihní ndinuhu. Ta ni co cúu ndó tátuhun in ñaha vixi ndinuhu jáchi co cája cáhnu ndó yehe xihín ndinuhu ini ndó. Vaha ná ndinuhu ña vixi ná cacuu ndó á tá ndinuhu ña ihní ná cacuu ndó.

16 Joo mé ndó íin java uun ndó jáchi in ivi ndacaan ínima ndo ta sahá ña cán queá tavá xóo i ndohó nuú i.

17 Jáchí mé ndó cáchí ndo ña cúú ndó na cuicá ndivaha. Ta cáchí ndo ña vaha ndivaha quéhe ndó jáchi ñéhe cuaha ndó jiuhún. Ta cáchí ndo ña ni in ñaha co ndímaní nu ndo. Joo mé ndó cúú ndó tátuhun na cuaá ndáhvi ndivaha jáchi a ñaha cuni ndó ña co ñéhe táhvi ndó nu Ndióxi. Cúú ndó na ndáhvi ndivaha ta cúú ndó tátuhun na cuaá xíca lahla.

18 Sahá ña cán queá cúní jácahan i ndohó ña ná quixi ndó nuú i cueen ndó jiuhun cuaán nuú i ña sa naxito ndojó na nu ñúhu ita ta já queá ná cacuu ndusa ndó na cuicá. Ta quiahva já ndítahan nu ndo cueen ndó jahmá yaa cachí nuú i candixi ndó já ná chijahví ndó mé ndó jáchi cacahan nuú ndó sahá ña xíca lahla uun va ndó. Ta sa mé nuú yehe ndítahan cueen ndó tata chican ndó nduchú núú ndo já queá ná cuu candehé vaha ndó.

19 Jáchí jánani i tóco ndihi ñayivi, na quíhvi ini i ta jándoho i ini na ña ná caja vaha na. Sahá ña cán queá xihín ndinuhu ini ndó ndítahan ndicó coo ini ndó caja ndó ña cúní Ndióxi.

20 Candehé ndo. Yehe cúú u tátuhun in da cándichi cáni ndáha yéhe vehe ndó ta cána i ndohó. Ta ndá na xini johu nu cáhan i ta suná na yéhe vehe na nuú i já quíhvi i vehe na ta cajini i xihin ná ta mé ná cajini na xihin i.

21 Ta ndá na ná quee vaha nu tóco ndihi ña núu ñuyiví yóho, caja i ña ná cuu cacoo na xihin i indiví nuú cacomí i cuénta saha ná indiví. Jáchi quiahva já naquee vaha i nuú ña núu ta viti íin coo i xihin Ndióxi, tátá i nu íin coo mé á sáhdá chuun indiví.

22 Cuni johu vaha ndó, na vaha johu ña cáhan ínima yii Ndióxi xihin na cúú cuénta mí i, na táca

veñuhu” –nacachi a.

4

Tá cája cáhnu na Ndióxi indiví

¹ Tá sa nayaha tócó ndihi ña yóho já naxini i núná in yéhé indiví. Ta mé a naxini joho i nu cutí ña cáhan tátuhun trompeta ta nacahan tucu a jatá i já nacachi a ja:

—Cuáhán ndaa xoo chóho já ná naha i nuun ndá quea coo chága chí nuu —já nacachi a ja xihín i.

² Chí mé hora já nandeta nuu ínima yi Ndióxi ini i. Já naxini i mé indiví cán in nu sácoo rey ta ín coo in a cán.

³ Ta mé a ín coo cán nasayéhe nuu á tátuhun yéhe in yu naní jaspe xihín yu naní cornalina. Ta naxini i nacava nuu in coyánquí nu ín coo a. Ta mé coyánquí cán yéhe ri tá quiahva yéhe yu cuí naní esmeralda.

⁴ Ta nu ín coo mé a cán naxini i nacava tiyivi inga oco comi táyi vaha nu sácoo na cómi chuun. Ta naxini i oco comi na sacuaha, in in na ín coo nuú in in táyi vaha cán. Ta ndíhoco comi mé na sacuaha cán ndíxi na jahmá yaa cachi. Ta cándójo in tiyivi jiuhun cuáán jini in in na cán.

⁵ Ta naxini i ña queta tasa nu ín coo mé a cán. Ta sa mé cán cáhndi tátuhun tá cána javi ta yati mé cán cáyi usa ití xihín ñuhú ita. Ta ña yóho cuú á ndíhusa yuhú nuu ínima yi Ndióxi.

⁶ Ta yati mé cán naxini i in ñaha ta náha tátuhun in tañhú, ña yéhe tátuhun in yutátá.

Ta yati jiin nu ín coo a cán nacava tiyivi comi ña tácú. Ta chí a juú quiahva cuaha nduchú núú a chí nuu á ta chí jatá.

⁷ Ta in táhan mé ña tácu cán, ña nu cuítí cán cáa tá quiahva cáa in León. Ta ña inga cán ña chí ivi cáa tá quiahva cáa tindiqui. Ta nuú ña cáhuni cán cúni coo a tá quiahva cúni coo nuú ñayivi. Ta ña comi cán cáa tá quiahva cáa in tíyahá tá ndáchí ri.

⁸ Ta in in mé ña tácu yóho nasahiin iñu ndixi a. Ta nuú á ta jatá nachutú ndaa ña xihín nducú núú. Ta ni ñuu ta ni ndiví co jándacoo ndícomi ña cán cáhan já cáchí a já:

Yi ndivaha cúu mé ndó, Ndióxi, xitoho nde.

Ta cuu caja ndó tóco ndihi ñaha.

Mé ndó sa já ín va ndó tá nacava sáhá saha ñuyiví.

Ta sa já ín ndó viti ta já coo tá coo ndó anda ama cáa quivi —nacachi ndícomi ña tácu cán.

⁹ Ta tá cáhan mé ña tácu cán já cáa cáhnu a Ndióxi ta ndíquiahva ndixahvi nu mé a ín coo nu sácoo rey, mé a tácu anda ama cáa quivi. Ta tá cáhan mé ña tácu cán

¹⁰ já ndícaxítí ndíhoco comi na sacuaaha cán cáa cáhnu na Ndióxi, mé a tácu anda ama cáa quivi. Ta já tín na tiyivi cándójó jini na jáxinu na ña nu ín coo Ndióxi cán ta já cáchí na já:

¹¹ Ndióxi maní nde, cúu ndó xitoho nde ta ndítahan nuú nde caja cáhnu nde ndohó jáchi mé ndó ndítahan ndicáhnu ndivaha.

Ín ndée ndo caja ndó tóco ndihi ñaha ta ndítahan caja cáhnu nde ndohó.

Jáchi nacavaha ndó tóco ndihi ñaha,

ta ndúu ndihi ñaha jáchi cúni mé ndó ña ná canduu a.

Ta ndúu a jáchi cúni mé ndó cavaha ndó ña, já nacachi ndíhoco comi na sacuaaha cán cáa cáhnu na Ndióxi.

5

Tá naxini Juan in libro xihín in ndicachi

¹ Tá nandihi já naxini i in libro indiví ini ndáha cuáha mé a íin coo nu sácoo rey. Ta mé libro cán cúu á tutu nativí tuun a ta nacahyi ndíví xoo nu á. Ta ndájí tuun a xihín usa sello.

² Ta já naxini i in táto Ndióxi, ña íin ndivaha ndée a. Ta naxini johó i cáhan cóhó a ta ndáca tuhún a já cáhí a já:

—Ndá na cúu na íin saha cahnda ndíhusa sello yóho já ná cuná na mé libro ña nativí tuun cán — nacachi mé táto Ndióxi cán.

³ Joo coó nañehe ná ni in na íin saha cahnda ndíhusa sello cán. Ni indiví ni ñuyiví ni nu ndúu na naxihí coó nandiñehe ná ni in na cuu cahnda ndíhusa sello cán ña ná candehé na ña ndáa nu mé libro cán.

⁴ Ta já nacasáhá sácu ndivaha i jáchi coó nandiñehe ná ni in tuhún na íin saha cahnda ndíhusa sello cán ña candehé na ini mé libro cán cahví na ña ndáa nu á.

⁵ Joo in táhan na sacuaḥa cán nacachi a já xihín i:
—A cuácu gaún jáchi Jesús, mé á cúu tátuhun León, ña naquixi chichi Judá ta naquixi a chichi rey David, mé a cán naquee vaha ta nasahnu a nu tóco ndihi ña núu ñuyiví. Sahá ña cán quea cuu cahnda ndíhusa sello ta já cuná mé á libro cán —nacachi a xihín i.

⁶ Ta naxini i cándichi Jesús, mé á cúu tátuhun ndicachi loho tañu na sacuaḥa ta tañu ndícomí ña tácu cán. Ta mé a cúu tátuhun ndicachi loho cán cándichi a nu sácoo rey ta náha xicá ña najándicuehe na mé á tá nasahní ñahá na. Ta naxini i íin usa

ndíqui a xihín usa nduchú núú a. Ta ña yóho cúú á ndíhusa yuhú nuu ínima yíi Ndióxi, ña nachindahá mé á níí cúú sahá ñuyíví.

⁷ Ta mé á cúú tátuhun ndicachi loho cán naxinu a ta natiin a mé libro cán ndahá cuáha mé á íin coo nu sác̄o rey.

⁸ Ta tá natiin a mé libro ña nativí tuun cán já nandica xítí ndícomi ña tácu cán xihín ndíhoco comí nā sacuaḥa cán nu mé a cúú tátuhun ndicachi loho cán. Ta tóco ndihi nā cán cáñee arpa ndáḥa ná jácaha na. Ta cáñee cohō chíñíhmá, ña jiuhun cuáán ndáḥa ná ta nachutú ndaa ña xihín jusa támí sáhan. Ta ña cán cúú yuhú nuú tuhun ña xíca tahví nā cúú cuéntá Ndióxi nu á.

⁹ Ta xihín ña saá xíta na cája cáhnu na mé á já cáhí nā já:

Nu mé ndó cáni ndiquehe ndó mé libro jan ta cahnda ndó sello ña ná cuná ndó ña.

Jáchí mé ndó naxihí ndó nacaja ñayivi.

Ta tá naxita nij ndo já naxeen ndó ñayivi ná cacuu na cuéntá Ndióxi.

Ta mé ndó nachahvi ndó sahá nā naquixi ndijáá chichi xihín nā cáhan tá nuú tuhun xihín nā ndúu ndijáá ñuu xihín ndijáá nación.

¹⁰ Ta mé ndó nandaja ndó ñayivi yóho cacuu na tátuhun jutú já ná caja cáhnu na Ndióxi.

Ta mé nā cán cacomí nā cuéntá sahá ñayiví ndúu ñuyiví, cáhí nā cája cáhnu na mé a cúú tátuhun ndicachi loho cán.

¹¹ Tá nandihí já nasandehé tucu u. Andá já naxini johó i cáhan cuahá ndivaha millón tátō Ndióxi cája cáhnu na mé á íin coo nu sác̄o rey.

Nacava t̄iyivi na ndúu na jatá ndícomi mé ña tácu cán xihín jatá ndíhoco comi na sacuaḥa cán.

12 Ta já cáḥan cóhó tóco ndihi mé tátó Ndióxi cán já cáchí na já:

Mé Jesús, mé a cúu tátuhun ndicachi loho, rí naxihí nacaja ñayivi, íin saḥá caja tóco ndihi ñaha xihín ndéé á.

Ta íin saḥá ndiquehe a tóco ndihi ña cuíca ta íin saḥá ndiquehe ndihi a ña ndichí ta íin saḥá ndiquehe a tóco ndihi ndéé.

Ta íin saḥá ña ná ndiñehe jícó ñayivi mé á.

Ta íin saḥá caja cáhnu na mé á ta íin saḥá ña ná cata na nu mé á, cáchí tóco ndihi na cán cája cáhnu na mé á.

13 Ta quiahva já naxini joho ri cáḥan tóco ndihi ñaha ña nacavaḥa Ndióxi ndúu indiví xihín ña ndúu ñuyíví xihín ña ndúu tixi ñundáhyi ta xihín ña ñúhu ini tañuhú. Tóco ndihi ña nacavaḥa Ndióxi yóho cája cáhnu a mé á ta já cáchí a já:

Ná ndicáhnu ndivaḥa Ndióxi, mé á íin coo nu sácoo rey.

Ta ná ndicáhnu ndivaḥa Jesús, mé á cúu tátuhun ndicachi loho.

Ná caja cáhnu í mé á ta ná ndiñehe jícó ñayivi mé á jáchí mé á queá íin ndéé caja tóco ndihi ñaha.

Ná caja cáhnu yó mé á anda ama cáa quivi, já cáchí tóco ndihi na cán.

14 Já nanducú ñehe ndícomi mé ña tácu cán tuhun já cáchí a já:

—Já ná coo.

Ta tá nacachi a ña yóho já nacaxítí ndíhoco comi na sacuaḥa cán cája cáhnu na Ndióxi, mé á tácu anda ama cáa quivi.

6

Tá nasahnda Jesucristo ndíhusa sello

¹ Tá nandihí já naxini i nasahnda Jesús, mé á cúú tátuhun ndicachi loho cán sello nu cuítí cán, ña cúú táhan ndíhusa sello cán. Ta tá nandihí já naxini johó i cáhan in táhan ndícomi mé ña tácu cán xihín i ta tachí yúhu a cúú á tátuhun tá cána javi. Ta já nacachi a já xihín i:

—Naha quí, candehún yóho —nacachi a xihín i.

² Anda já nasandehé e ta já naxini i in cuáyí cúxú ta naxini i cánúu in dataa jata ri. Ta ndáha da cán naxini i cáñee in arco. Ta naxini i ña nañehe dá in tiyivi cánúu jiní dá. Ta cáji íní da naqueta da jáchí cúú dá da sa naquee vaha ta ñehe táhvi dá quee vaha tucu da.

³ Ta anda já naxini i nasahnda Jesús, mé a cúú tátuhun ndicachi loho cán inga sello, ña cáhivi cán. Já naxini johó i ña nacahan inga tucu táhan ndícomi mé a tácu cán xihín i. Já cáchí a já xihín i:

—Naha quí, candehún yóho —nacachi a xihín i.

⁴ Ta já naxini i naqueta inga cuáyí ta cúú rí rí cuáhá. Ta mé da cánúu jata ri cán nañehe táhvi dá jácani táhan da ñayivi ndúu ñuyiví. Ta nañehe táhvi dá caja da ña ná cahní ndaja táhan mé ñayivi ndúu ñuyiví. Ta naxini i nañehe dá in yuchú cáni ña cáhnu cáñee a ndáha dá.

⁵ Ta tá nasahnda Jesús, mé a cúú tátuhun ndicachi loho inga sello, ña cáhuni já naxini johó i nacahan mé ña tácu, ña cáhuni cán xihín i já nacachi a já:

—Naha quí candehún yóho —nacachi a xihín i.

Ta tá nasandehé e já naxini i in cuáyi ndáhyí tuun ta já naxini i ña cáñee in ña sácujta ñaha ndáha mé da cánúu jata rí cán.

⁶ Ta tañu ndícomi mé ña tácu cán naxini joho i cáhan in a ta já cáchí a já:

—Ndivi yaa xíní ñúhú caja chúun í já cuu cueén in túhún laá kilo trigo. Ta in quivi ní xíní ñúhú caja chúun í já cuu cueén uní kilo cebada. Joo a quiáhva ndó ñamaní ña ná tiví sítí xihín vino —ñacachi a.

⁷ Ta tá nasahnda Jesús, mé a cúu tátuhun ndicachi loho inga sello, ña cácomi cán já naxini joho i ñacahan mé ña tácu, ña cácomi cán xihín i já ñacachi a já:

—Naha quí candehún yóho —ñacachi a xihín i.

⁸ Ta tá nasandehé e já naxini i in cuáyi cuáán joho. Ta da cánúu jata rí cája ña ná quivi ñayivi. Ta jata mé da cán naxini i ndíco da sáhdá chuun sahá nu ndúu ndji. Ta ñañehé táhvi ndíví da cavaha da tondóhó ñuyíví já ná caja da ña ná cahní táhan cuahá ndivaha ñayivi ndúu ñuyíví. Ta jári nasahní da ña xihín tama ndeé ta xihín cuehe ta xihín ndijáá quití yúcu ndúu ñuyíví janda quiahva ñaxihí in táhdá nuú comi táhdá ñayivi ndúu ní cúu saha ñuyíví.

⁹ Ta tá nasahnda Jesús, mé a cúu tátuhun ndicachi loho cán inga sello, ña cáhuhun já naxini i in nu náa ta tixi mé cán ndúu ínima ñayivi, ña ñaxihí sahá ña ñacaxi tuhun na tuhun Ndióxi nuú ñayivi xihín ndinuhu ini na.

¹⁰ Ta cáyuhú cóhó ña já cáchí ña já:

—Tátá Ndióxi, mé ndó cúu ndó ña yíi ndivaha ta cája ndó ña ndaa cuití va. Ta cuu caja ndó tóco ndihi ñaha. Ndaja cá chá quíví caja víi ndó sahá

ñayivi ndúu ñuyíví. Ta já caja ndó ña ná चाहवि na sahá ña ñacaja na ñasahní ña ndehe —cáchi ña ndúu tixi náa cán.

¹¹ Anda já ñañehe ná jahmá yaa candixi na ta ñatahnda chuun nu ná ña ná candati tóo chága na janda quiahva ná xinu coo nuú java ga na cúu cuéntá Jesús quivi na caja ñayivi ñuyíví sahá ña cája chúun na cuéntá Jesucristo. Ta janda quiahva ná quivi ndihi ña yóho já cavií sahá ñayivi ñacaja quini xihin ná.

¹² Tá ñandihí já ñaxini i ñasahnda Jesús, mé a cúu tátuhun ndicachi loho inga sello, ña cáhiñu cán. Já ñaxini i ñatañan ndivaha ta ñaxini i ñanduu tuún candii tátuhun in jáhma tuún sá ndíxi ña ndúu ndíí. Ta níí cúu yoo ñaxinu cuhá ñi ri.

¹³ Ta ndijáa quimi ñaquee rí indiví ta ñacuyu rí nu ñúhu. Cúu á tátuhun tá quíji nihni tachí ndeé ndivaha titó ñuhú ta já cuyu cuíhi, rí cuíj nu ñúhu.

¹⁴ Ñandihí saha indiví ta ñandacoo vaha ña tátuhun tá ndítiví in yívi ña co xíní ñúhú ga ña. Ta tóco ndihí yúcu xihín tóco ndihí isla maññú tañuhú ñandijama ndihí ña ta co ndúu ga ña nuú ñasanduu a.

¹⁵ Ta tóco ndihí ña cómí cuéntá sahá ñuyíví ñandacoo jehé ña tañu cáva. Ta ñachiñee na tañu tóto chí yúcu cuahan ña. Ta cán ñachijehé ri ña sáhdá chuun nu soldado xihin tóco ndihí ña cuicá xihin tóco ndihí ña ín ndéé cája ña náhnu ñuyíví yóho. Ta jári tóco ndihí ña cómí in xitoho cuéntá saha xihin tóco ndihí ña xíca núná mé ñandacoo jehé ña tañu cáva xihín tañu tóto cán.

¹⁶ Ta cáchi ña cáhan ña xihin yúcu ta cáhan ña xihin cáva ña ná cuyu a jata ná ta ná chijehé a ña

ñá ná a cúni mé a lin coo nu sác̄oo rey cán na. Ta yíhv̄i ná Jesús, mé á cúú tát̄uhun ndicachi loho cán jáchi sa naxojo ini a ta vaxi a jándihi a saha ná.

¹⁷ Jáchi sa naxinu coo quiví jándoho mé á ini na ta ni in na cō ndéé ini.

7

Ndicaxi Ndióxi in táhndá na Israel

¹ Tá sa nayaha tóco ndihi ñá yóho já naxini i ndíta comi tát̄o Ndióxi ndícomí xoo nu quíxi tach̄i nu ndícomí xoo níi cúú saha ñuyiví. Ta t̄iin a tach̄i já ná a cuícó ga tach̄i jatá ñuyiví ta ná a cuícó ga tach̄i nuú tañuhú ta ni nuú ni in yító.

² Ta já naxini i naquixi inga tát̄o Ndióxi xoo nu quéta candii. Ta mé tát̄o Ndióxi yóho naxini i ñehe a sello Ndióxi, mé á tácu indiví. Ta já naxini joho i nacayuhú mé tát̄o Ndióxi yóho nuú ndícomi java ga tát̄o Ndióxi, mé na nañehe táhvi caja ñá núu xihín ñuyiví ta xihín tañuhú viti ta já nacachi a já xihin ná:

³ —Candati ndó. A cája núu ndó xihín ñuyiví ta ni xihín tañuhú ta ni xihín ni in yító. Jáchi jihna ñuhú xíní ñuhú cacú in sello taan na cúú cuéntá Ndióxi, mé a cája cáhnu mí —nacachi a.

⁴ Ta naxini joho i cáhan in a ndaja cúú ñayivi nanani sello yóho taan na. Cúú ná in ciento ivi jico comi mil ñayivi Israel ta cúú ná na naquixi ndíhuxu ivi chichi na Israel.

⁵ In táhndá cúú uxu ivi mil na naquixi chichi Judá ta nanani sello taan na cán. Ta inga uxu ivi mil na naquixi chichi Rubén naquehe sello taan na. Ta quiahva já naquihvi ri sello taan uxu ivi mil na naquixi chichi Gad

⁶ xihín uxu ivi mil na naquixi chichi Aser xihín uxu ivi mil na naquixi chichi Neftalí xihín uxu ivi mil na naquixi chichi Manasés

⁷ xihín uxu ivi mil na naquixi chichi Simeón xihín uxu ivi mil na naquixi chichi Leví xihín uxu ivi mil na naquixi chichi Isacar

⁸ xihín uxu ivi mil na naquixi chichi Zabulón xihín uxu ivi mil na naquixi chichi José xihín uxu ivi mil na naquixi chichi Bejamín nanani selo taan na.

Tá naxini Juan cuahá ndivaha ñayivi ndíxi jahmá yaa

⁹ Tá nandihí já nasandehé e já naxini i cuahá ndivaha ñayivi. Ta ni in na a cuú cahvi ñahá sahá ña cuaha cúu ná. Ta cúu ná na naquixi ndijáa chichi ñayivi ndúu ñuyíví. Ta cúu ná na cáhan tá nuú tuhun. Ta cúu ná na ndúu ndijáa ñuu xihín ndijáa nación ñuyíví. Ta naxini i ndíta na nu Ndióxi, mé a íin coo nu sácoo rey. Ta ndíta na nu Jesús, mé a cúu tátuhun ndicachi loho cán. Ta tóco ndihí na ndíxi na jahmá yaa cachi ta cánee ñuu ndáha ná.

¹⁰ Ta tóco ndihí na cáyuhú cóhó na já cáchí na já: Ndióxi, mé a íin coo nu sácoo rey xihín Jesús, mé a cúu tátuhun ndicachi loho cán najácaacu a mí, cáchí na.

¹¹ Ta naxini i ndíta tóco ndihí táto Ndióxi cája cáhnu na mé á íin coo nu sácoo rey. Ta nacava tiyivi na ndúu na jatá na sacuaha cán xihín jatá ndícomi mé ña tácu cán. Ta já nacaxítí tóco ndihí na janda quiahva nacani ndaa taan na nu ñúhu ta já nacasáhá na cája cáhnu na Ndióxi.

¹² Já cáchí na já:

Já ná coo. Cája cáhnu nde ndohó ta ndíñehe jíco nde quiví mé ndó.

Jáchí ndíchí ndivaha jini ndo ta ndiquiahva nde ndixahvi nu ndo.

Ta ndítahan coo toní ñúhú nde xihín ndo jáchí mé ndó cúú ndó ña lín ndée cája tóco ndihi ñaha.

Ta já ná coo tóco ndihi ña yóho nu mé ndó anda ama cáa quiví. Já ná coo, ñacachi ña cán cája cáhnu na Ndióxi.

¹³ Anda já ñaxinu in táhan ña sacuahá cán nuú i já ñandaca tuhún ña yehe já ñacachi na já xihín i:

—Á co xínun ndá ña cúú ña ndíxi jahmá yaa yóho ta ndá ña quixi na —ñacachi na xihín i.

¹⁴ Já ñanducú ñehe e tuhun nu ná já ñacachi i já xihín ná:

—Yehe co xini toho i joo mé ndó sa xini vaha ndó ndá ña cúú ñayivi yóho —ñacachi i xihín ná.

Ta já ñacachi na já xihín i:

—Ña ndíxi jahmá yaa yóho cúú ná ña ñayaha nuú cuahá ndivaha tondóhó mé quiví tá ñandoho ndivaha ini na. Ta viti sa ñandoo cuachi na xihín ni Jesús, mé a cúú tátuhun ndicachi loho.

¹⁵ Sahá ña cán queá ndíta na nu Ndióxi, mé á lín coo nu sácoo rey. Ta ñuú ta ndiví cája ndiví ña nu mé á ini veñuhu a. Ta mé Ndióxi, mé a lín coo nu sácoo rey cán ndáá vaha mé á ña jáchí lín tuun a xihín ná.

¹⁶ Ta coo ga joco quixi nu ná ta ni a íchí ga ini na ticuí ta ni a cáyi ga ña cája candii ta ni a ndíhi ga ini na sahá ña ihní.

¹⁷ Jáchí Jesús, mé a cúú tátuhun ndicachi loho cán ndácaan mahñú nu sácoo rey cán ta candaa mé á ña tá quiahva ndáá in pastó ndicachi ñana dá. Ta

candaca mé á n̄a c̄uhun n̄a n̄u cána ticuĩ, dó cája ñ̄a ná catacu na and̄a ama cáa quiv̄i. Ta yacó Ndióxi ticuĩ n̄u tóco ndihi n̄a s̄acu –nacachi n̄a sac̄uaha cán xih̄in̄ i.

8

Tá nasahnda Jesús, mé a cúu tátuhun ndicachi loho cán inga sello, ñ̄a cáhusa

¹ Tá nasahnda Jesús, mé a cúu tátuhun ndicachi loho cán inga sello, ñ̄a cáhusa já nacat̄aji ní tóco ndihi ñ̄aha indivi tátuhun t̄ixi java hora.

² Tá n̄andih̄i já n̄axini i ndíta us̄a tát̄o Ndióxi n̄u á. Ta in in mé tát̄o Ndióxi cán nañ̄eh̄e ná in in trompeta.

³ Já n̄axin̄u inga tát̄o Ndióxi candichi a n̄u náa ñ̄a ín̄ yati n̄u ín̄ coo Ndióxi n̄u s̄ac̄oo rey cán. Ta cáñ̄ee in̄ coh̄o chíñ̄íhmá ndáha á, ñ̄a j̄iuhun̄ cuáán. Ta nañ̄eh̄e á cuah̄a ndivaha j̄usa, ñ̄a j̄oco a ñ̄a n̄u náa, ñ̄a nacavaha xih̄in̄ j̄iuhun̄ cuáán. Ta quiah̄va já j̄oco ri a n̄u náa cán ñ̄a x̄ica tah̄ví n̄a cúu cuéntá Jesús n̄u Ndióxi.

⁴ Ta mé ñ̄ih̄ma nacana nuú coh̄o chíñ̄íhmá cáñ̄ee ndáha tát̄o Ndióxi cán n̄andindita cuahan̄ n̄u Ndióxi tá quiah̄va nd̄indita ñ̄a x̄ica tah̄ví n̄a cúu cuéntá mé á n̄u á.

⁵ And̄a já n̄atiin̄ tát̄o Ndióxi cán coh̄o chíñ̄íhmá ta já naj̄achutú a ñ̄a xih̄in̄ tití ñ̄úhu, ñ̄a naquehe a n̄u náa cán. Ta já nacuihna ñ̄a jatá ñ̄uyiv̄i. And̄a já nacasáhá cáh̄ndi tátuhun̄ tá cána jav̄i. Ta j̄and̄a joh̄o x̄oj̄o cúu ta cána tasa ta naquixi in̄ nditáan̄ ndeé ndivaha jatá ñ̄uyiv̄i.

Tá nativí nd̄ihusa tát̄o Ndióxi trompeta

6 Tá nandihí já nasacanduu tiahva ndíhusa táto Ndióxi tiví na trompeta ña cánee ndáha na.

7 Ta in táhan ndíhusa táto Ndióxi cán nasáhá nativí a mé trompeta cán. Ta já nacuyu ñúhu cáyi xihín ñíí ña nacava táhan xihín nij jatá ñuyíví. Ta chí nacayi in táhnda nuú uní táhnda ñuyíví yóho ta jári naquihvi ñúhu in táhnda nuú uní táhnda yíto ndíta yúcu ta jári yucu cuií nacayi ndihí a.

8 Tá nandihí já nativí táto Ndióxi ña cáhivi cán inga trompeta. Ta naxini i najani tátuhun in yúcu cándaha xihín ñúhu cuahan ndicava nuú tañuhú. Ta in táhnda nuú uní táhnda tañuhú cán nanduu dó nij.

9 Ta in táhnda nuú uní táhnda tóco ndihí ñaha ñúhu ini tañuhú naxihí a. Ta quiahva já nandihí saha in táhnda nuú uní táhnda barco nasandojó nuú tañuhú cán.

10 Ta táto Ndióxi ña cáhuni cán nativí a inga trompeta ta já naxini i naquee in quimi cáhnu cándaha xihín ñúhu ita vaxi rí ndícava rí ñuyíví. Naquee rí indiví ta nandicava rí nu ñúhu nuú in táhnda nuú uní táhnda yuta xihín chicho nu cána ticuí.

11 Ta mé quimi cán naní rí ña ova. Ta nacaja rí ña nacahova in táhnda nuú uní táhnda ticuí. Ta naxihí cuahá ndivaha ñayivi tá naxihí na dó ova cán.

12 Tá nandihí já nativí táto Ndióxi ña cácomi cán inga trompeta já nanaá in táhnda nuú uní táhnda nuú candii cán. Ta quiahva já nacaja ri a xihín yoo ta xihín quimi. Saha ña cán quea coo nacuu tun vaha candii xihín yoo xihín quimi cán. Ña cán quea nacamaní tátuhun in táhnda nuú uní táhnda tun

candii cán jatá ñuyíví. Ta quiahva já nacamaní tuun yoo xihín quimi ñuú.

¹³ Tá nandihí já nasandehé e ta já naxini johó i cáti ndixi in táto Ndióxi ndáchí a mahñú indiví. Ta cáyuhú cóhó a já cáchí a já:

—Ay, ay, ay ndáhví nahá nacuu ñayivi ndúu ñuyíví jáchi ndají ndoho ini na tá ná tiví uní ga táto Ndióxi trompeta —cáchí a.

9

¹ Tá nandihí já naxini i nativí táto Ndióxi ña cáhuhun cán inga trompeta. Ta naxini i naquee in quimi indiví ta nandicava rí jatá ñuyíví. Ta ñañehé táhvi rí cacomí rí yávi ña cuu cuná rí yávi cuná ndivaha, ña co xínu nu ndíhi nuu.

² Ta mé quimi nasuná rí yuyéhé mé yávi cuná já nandindita ñihma tátuhun ña ndíndita yúhu horno cáyi. Ta mé ñihma nacana cán najánaá nuú candii xihín nuú tachí viti.

³ Ta tañu ñihma cán naqueta cuahá ndivaha tica, rí nandicuítá nuu níí cúú ñuyíví. Ta ñañehé táhvi rí cacuu rí rí cuehe tá quiahva cuehe líhma.

⁴ Ta natahnda chuun nu rí ña ná a jándihí toho rí sahá yucu ni sahá ñaha cuí ni saha yitó cuí ñuyíví yóho. Jáchi natahnda chuun nu rí ña ná tiin rí ñayivi cuití va, na co cándaa marca Ndióxi taan.

⁵ Joo coó ñañehé rí ñamaní cahní rí na. Ña nacaja rí xihín ná queá ná tiin rí na ña ná cahma na tixi uhun yoo. Ta tá quiahva cáhma na tá tiin líhma na quiahva já cáhma na tiin rí na.

⁶ Mé quivi já nducú ñayivi quivi vaha na joo a cúu quivi na. Vatí cúni quivi na joo a cúu quivi na.

⁷ Mé t̄ica t̄iin ñahá cán ndáa rí tá quiahva ndáa cuáȳi, rí ndúu t̄iahva cuh̄un caní táhan. Ta tá quiahva cúni coo t̄iyiv̄i, ñā j̄iuh̄un cuáán sándójó j̄ini rey quiahva já cúni coo ñā cándójó j̄ini rí cán. Ta tá quiahva cúni coo nuú ñayiv̄i quiahva já cúni coo nuu r̄i.

⁸ Ta tá quiahva íin ijí j̄ini najihí quiahva já íin ijí j̄ini r̄i. Ta tá quiahva ndáa nuhu león quiahva já ndáa nuhu rí.

⁹ Ta jáhvi yicá ndícá mé t̄ica cán x̄ihín jahmá caa, ñā sándixi soldado cáni táhan na. Ta tá cáhma cáti ndixi r̄i cúú á tátuhun tá cáti sahā cuah̄a cuáȳi tá ñúhu rí carreta x̄inu rí cuah̄an rí caní táhan rí.

¹⁰ Ta íin íñu ndóh̄o r̄i ñā t̄iin tátuhun ndohó líhma. Ta x̄ihín ñā cán ñañeh̄e táhvi rí tiin rí ñayiv̄i ñā ná cahma na t̄ixi uh̄un yoo.

¹¹ Ta mé dā cómi cuéntá sahā mé t̄ica cán naní dā Abadón tuhun hebreo ta naní dā Apolión tuhun griego. Ta quiv̄i dá cúni cachi a dā jándih̄i sahā tóco ndih̄i ñaha. Ta dā cán cúú dā cómi cuéntá sahā yávi, ñā cō x̄inu nu ndíhi nuu cán.

¹² Sā nayaha in tondóh̄o cáhnu joo cáman̄i iv̄i chága ñā quixi.

¹³ Tá nandih̄i já ñativí tát̄o Ndióxi ñā cáhiñu cán inga trompeta ta já ñaxini joh̄o ī cáhan in a ñaqueta tañu ndícomí ndíqui quéta in in xoo t̄it̄o nu náa, ñā j̄iuh̄un cuáán, ñā cándichi nu íin Ndióxi cán.

¹⁴ Ta já ñacachi mé ā cán já x̄ih̄in mé tát̄o Ndióxi cáhiñu, ñā ñéhe trompeta cán:

—Janí ndícom̄i tát̄o ñā ndícō yuhú yuta cáhnu naní Eufrates ñan —ñacachi a.

¹⁵ Tá nandih̄i já ñaxini ī ñajani ndícom̄i tát̄o ñasandicō cán ñā ná cahní ñā in táhndā nuú un̄i

táhn_á ñ_{ay}i_{vi} ndúu ñ_{uy}i_{ví}. Jáchi sa ñ_{aquee} jíni va na chuun ñ_a caja na ñ_a yóho. Ta sa xíni ñ_a ndá hora ta ndá quívi ta ndá yoo ta ndá cuía caja na ñ_a.

¹⁶ Ta ñ_{ax}i_{ni} j_{oh}o i cáhan in a ndaja cúu ñ_a soldado cándójo cuáy_i cuah_{an} cán. Ta cúu ná i_{vi} ciento millón soldado.

¹⁷ Ta cúni ndicani i nu ndo ndaja ndáa cuáy_i j_{ana} ná, rí ñ_{ax}i_{ni} i cán. ñ_{ax}i_{ni} i ñ_a yóho tátuhun in san_i joo co quíji toho i. Ta ñ_{ax}i_{ni} i mé da cándójo cuáy_i cán ñ_{ach}i_jah_{vi} da yicá ndícá da xihín in caa, ñ_a cúu á color cuáhá ñ_{ii} xihín color ndíhí ticay_i xihín color cuáán ita. Ta ndáa jíni cuáy_i tá quiahva ndáa jíni león ta yúhu r_i quéta ñ_úhu ita xihín ñ_{ih}ma xihín azufre.

¹⁸ Ta in táhn_á nuú un_i táhn_á ñ_{ay}i_{vi} ñ_{ax}i_{hi} ñ_a ñ_{ac}aja un_i nuú tondóhó ñ_{aq}uixi jatá ñ_{uy}i_{ví} yóho. ñ_{ax}i_{hi} ñ_a xihín ñ_úhu cáy_i ta xihín ñ_{ih}ma ta xihín azufre, ñ_a ñ_{ac}queta yuhú cuáy_i.

¹⁹ Jáchi yúhu mé cuáy_i cán xihín ndóho r_i cúu nu ndácaan ndée r_i. Tá quiahva ndáa coo quiahva já ndáa ndóho r_i. Ta xihín mé yiquí jíni coo cán cája quini rí xihín ñ_{ay}i_{vi}.

²⁰ Tóco ndihi java ga ñ_{ay}i_{vi}, ñ_a coo ñ_{and}ihi saha xihín tondóhó ñ_{aq}uixi jatá ñ_{uy}i_{ví}, ñ_a cán ñ_{ac}aja y_{ii} va na ñ_a núu ñ_{ac}aja na. Ta ñ_{ac}aja cáhnu y_{ii} va na ñ_a quini. Ta coo ñ_{aj}ándacoo na cája cáhnu na yoco, ñ_a ñ_{ac}avaha na xihín jíuhun cuáán ta xihín jíuhun cúxú ta xihín caa cuáán ta xihín yuu ta janda ñ_a ñ_{ac}avaha na xihín yíto viti. Ta mé yoco yóho a cuú candehé a ta ni coo tácu joho a ta ni a cuú caca nuu a. Joo ñ_{ac}aja cáhnu tá ñ_{ac}aja cáhnu na ñ_a.

²¹ Ta ni coo ñ_{aj}ándacoo na ñ_a sáhní ñ_a ndii. Ta ni coo ñ_{aj}ándacoo na ñ_a tají cája na. Ta ni coo

najándacoo na ña ndúu na xihín na co cúu yí ná á ñájíhí na. Ta ni coó najándacoo na ña cája cuíhná na.

10

Tá naxini Juan ña cáñee in libro loho ini ndáha inga tátō Ndióxi

¹ Anda já naxini i inga tátō Ndióxi, ña íin cuahá ndivaha ndée. Nanuu a indivi naquee a vaxi a tañu in vico ta cánúu in coo yánquí jiní á. Ta yéhe nuu á tá quiahva yéhe candii. Ta sahá cúu á tátuhun ivi jihín cándaha xihín ñúhu.

² Ta ini ndáha mé á naxini i cáñee in libro loho ña nativi tátuhun yivi joo nandindica ña. Ta naxinúu mé á saha cuaha nuú tañuhú ta naxinúu a saha íti a nu ñúhu.

³ Ta nacayuhú cóhó a tátuhun tá ndáhyi león. Ta tá nacayuhú a já naxini johó i ña nacañan cóhó usa tasa tá nacana ña.

⁴ Tá nandihí nacañan ndíhusa tasa cán já nanducú u cahyí i ña nacachi a joo naxini johó i cáñan in a naquixi chí indivi ta já cáhí a já xihín i:

—A cáhyún ña nacachi ndíhusa tasa nacana jan. Xíní ñúhú coo jehé a —nacachi mé a cán xihín i.

⁵ Anda já naxini i mé tátō Ndióxi ña cánúu in sahá nuú tañuhú ta inga sahá nu ñúhu cán, nandiñee a ndahá cuaha indivi.

⁶ Ta já nacañan mé á quivi Ndióxi ta já nasahan tuhun a jáchi Ndióxi tácu a anda ama cáa quivi, mé á nacavaha indivi xihín ñuyívi xihín tañuhú xihín tóco ndihí ñaha íin nuu á. Ta já nacachi mé tátō Ndióxi já:

—A cáyáncá ga

⁷ Jáchí tá ná casáhá tiví tátō Ndióxi ña cáhusa cán trompeta já xinu coo nu tóco ndihi ña nasacu ini Ndióxi coo jehé janda sanahá. Jáchí sa nacaxi tuhun mé á xihín profeta cuéntá mé á ña ná cahan na sahá ña yóho nuú ñayivi —cáchi tátō Ndióxi.

⁸ Anda jávi naxini johō i nacahan tucu mé tátō Ndióxi indiví já nacachi a já xihín i:

—Cuáhán quehe libro loho núná nuu cán. Ndi quehe a ndáha tátō Ndióxi, mé a cánúu in saha nuú tañuhú ta inga sahá nu ñuhú jan —nacachi a.

⁹ Tá nasaa i nu tátō Ndióxi cán já naxica i nu á ña ná quiahva libro loho cán nuú i. Ta já nanducú ñehe tátō Ndióxi cán tuhun nuú i já nacachi a já xihín i:

—Yóho ín libro loho joo xíní ñuhú casún ña. Vati mé a ndaa tá ná casún ña cacuu a tátuhun tá casún ñuñu jáchi caviji ndivaha yuhun caja ña. Joo tá nandihí nduu a ña ova ini tísún —nacachi a xihín i.

¹⁰ Tá nandihí já natiin i mé libro loho ndáha tátō Ndióxi cán ta já nasaxí i ña. Ta nacaviji yuhú u xihín á tátuhun ñuñu. Joo tá sa nacocó i ña já nacahova ña ini tixi i.

¹¹ Anda já natahnda chuun nuú i já nacachi a já xihín i:

—Ndítahan nuun caxi tuhun tucún xihín ñayivi ña cahan Ndióxi sahá cuahá ndivaha ñuu xihín cuahá ndivaha nación nu cahan na ndijáá tuhun. Ta xíní ñuhú caxi tuhún ña nuú ndijáá na cómi cuéntá sahá ñuyívi —nacachi a xihín i.

11

Ivi na cúu testigo

¹ Tá nandihi já nasahan na in yito vara, dó chiquiahvá nuú i. Ta tá cuni coo ndoo já cuni coo mé vara cán. Ta já nacachi na já xihín i:

—Candichi ta chiquiahvún veñuhu cáhnu Ndióxi. Ta ndítahan chiquiahvún nu náa Ndióxi viti. Ta ndítahan cahvún ndaja cúu na cája cáhnu Ndióxi mé jan.

² Joo coto a chíquiahvún ñundáhyi, ña cáva nuu ndícomí tito yéhé veñuhu cán. Jáchi sa nandíquiahva Ndióxi ña yóho nuú ñayivi tóho ña ná caja tá quiahva cuni mé ná xihín Jerusalén, ña cúu ñuu yii ñaha Ndióxi tixi ivi jico ivi yoo.

³ Ta já chindahá yehe ivi testigo, na candixi jahmá ndáhyí, ña ndíxi ñayivi tá cándí ini na. Ta cuhun na cahan na sahá yehe tixi in mil ivi ciento uní jico quivi —nacachi na.

⁴ Ta naxini i ivi yitó olivo xihín ivi nu sándójó íti, dó cúu yuhú nuu testigo ndíta nu Ndióxi, mé a sáhndá chuun nuú ñuyíví.

⁵ Ta ni in na a cúu caja ni in ñaha xihin ndíví testigo Ndióxi yóho jáchi cuu caja na ña ná cana ñúhu ita ini yúhu ná ta cuu chicaan ñúhu na já ná jándihi na sahá na ihvi na. Ta quiahva já quivi ndá na ná nducú caja xíxi xihin ná.

⁶ Ndíví mé testigo Ndióxi yóho íin ndée ná chicaji na indiví já ná a cúun javi nani cahan na cuénta Ndióxi nuú ñayivi. Ta íin ndée ná ndaja na ticuñí ña ná nduu dó ni. Ta íin ndée ná chicaan na ndá cuehe cuni mé ná chicaan na jatá ñuyíví yóho. Ta núná nu ná caja na ña ndaja tañu cuni mé ná.

⁷ Joo tá sa nandihí nacaḥan ndíví testigo yóho xihín ñayivi janda jáví quixi in quití quini, rí queta tañu yávi, ña co xínu nu ndíhi nuu cán. Ta já cani táhan rí xihín ndíví na cán ta quee vaḥa rí xihín ná ta cahní rí na.

⁸ Ta já canduu yiquí cuñu ndíví na cán mañnú java ndaa cáyé ñuu Jerusalén nuu nasahní na Jesucristo, mé á cúú xitoho í. Ta mé ñuu Jerusalén yóho cúú á yuhú nuu ñuu Sodoma xihín nación Egipto sahá cuachi cuahá cája ñayivi ndúu cán.

⁹ Ta ñayivi ndúu ndijáá ñuu xihín ndijáá nación xihín na cáhan tá nuu tuhun xihín na naquixi ndijáá chichi cuni na yiquí cuñu mé testigo Ndióxi yóho tixi uní quiví java. Ta a quiahva toho na ñamaní jánduxu na ndíví testigo Ndióxi yóho.

¹⁰ Ta ñayivi ndúu ñuyiví caji ndivaḥa ini na sahá ña naxihí ndíví testigo Ndióxi yóho. Ta cávatá na janda quiahva jasá ñaha nu táhan joho na sahá ña naxihí ndíví testigo Ndióxi, na najándoho ndivaḥa ini ñayivi ñuyiví xihín ña nacaḥan na.

¹¹ Joo tá sa nayaha uní quiví java chí jánditacu Ndióxi ndíví testigo cán já ná ndaço tucu na. Ta tá ná cuni ñayivi ña yóho casahá quiji ninu na xihín ña yíhví na.

¹² Anda já cuni joho ndíví testigo cán in a cáhan cóhó indiví. Ta já cachi a já xihín ná:

—Cuánda ndó chóho —cachi a já xihín ná.

Já ndaa na indiví tañu in vico nuú ndihí na ihví na.

¹³ Ta mé hora já taan ndeé ndivaḥa. Ta jándihí a in táhndá nuú uxu táhndá mé ñuu cáhnu cán ta já quivi usa mil ñayivi. Ta na cóo naxihí cán chutú

ndāa na xihín ña yíhví na ta já casáhá na caja cáhnu na Ndióxi, mé a íin indiví.

¹⁴ Sa ñayaha va tondóhó cáhiví. Joo sa cátivi tondóhó cáhuni vaxi a.

Tá nativí táto Ndióxi trompeta cáhusa

¹⁵ Ta táto Ndióxi ña cáhusa cán nativí a inga trompeta. Ta tá nativí a do já ñaxini johó i cáhan cóhó cuaha ná indiví. Já cáhí na já:

Ta viti ñandindaa hora sáhndá Ndióxi, xitoho í xihín Jesucristo chuun.

Ta mé á quéa ñachindahá Ndióxi cacomí a cuéntá sahá ñayivi.

Ta íin ndée a cahnda chuun nuú ñuyíví yóho anda ama cáa quiví, ñacachi cuaha ná mé indiví.

¹⁶ Ta ndíhoco comí na sacuaha, na ñacava tiyiví ñasanduu coo nu táyi vaha yati nu íin coo Ndióxi cán, ñacaxítí na janda quiahva ñacani ndaa taan na nu ñúhu ta ñacaja cáhnu na Ndióxi.

¹⁷ Já ñacachi na já xihín á:

Ndíquiahva nde ndixahvi nu ndóhó, Ndióxi, xitoho nde, mé a íin ndée caja tóco ndihi ñaha.

Janda tá cámaní cava sahá saha ñuyíví ñasahiin va mé ndó.

Ta sa já íin ndó viti ta quixi tucu ndó.

Ndáha mé ndó íin ndihi ndée viti sahá ña cán quéa ñacasáhá ndo sáhndá ndo chuun nuú ñayivi.

¹⁸ Ta ñayivi ndúu ní cúú ñuyíví ñacasáhá na xójo ndivaha ini na.

Joo viti ñaxinu coo quiví caja xíxi ndó xihín na cán. Ta viti ñaxinu coo hora caja víí ndó sahá na sa ñaxihí.

Ta sa naxinu coo hora chahvi ndó nuú na profeta,
na cahan cuénta mé ndó.

Já naxinu coo hora chahvi ndó nuú na cúu cuénta
mé ndó, na cája cáhn mé ndó,

ta coo caja toho a á cúu ná na náhn á cúu ná na
v^álí.

Ta naxinu coo hora jándihi ndó sahá ñayivi quini,
na cája ña núu xihín ñuyíví yóho, cáchí na cán
cája cáhn na Ndióxi.

¹⁹ Tá nandihi já naxini i nanuna yéhe veñuhu
Ndióxi, ña iin indiví. Ta cán tívi ndacaan sato
arca ñaha Ndióxi. Ta já naçasáhá cána tasa. Ta
naxini joho i jandá joho vaa cúu tácu cahan na. Ta
naçasáhá cána javi ta táan ndeé ndivaha ta cúun
ndivaha ñí.

12

*Naxini Juan ña ndúcú in coo quini caja xixi rí
xihín in ñáñáha*

¹ Tá nandihi já naxini i nayaha in ña xitúhún
ndivaha indiví. Naqueta in ñáñáha, ñá cátiví jáhma
ña cúu candii. Ta cándichi ñá jatá yoo. Ta cánúu in
tiyivi jini ñá, ña nacacutú xihín uxu ivi quimi.

² Ta sa víxi ñá cacu jahyi ñá. Ta ndáhví ndáhyi ñá
jáchi ndóho ndivaha ini ñá janda quiahva ná cacu
jahyi ñá.

³ Tá nandihi já nayaha inga ñaha cáhn indiví.
Naxini i in coo quini, rí cuáha. Ta iin usa jini ri
xihin uxu ndíqui ri. Ta cánúu in tiyivi jatá in in
yiquí jini ri cán.

⁴ Ta mé coo quini cán nañuhu rí in táhndá nuú
uni táhndá quimi ndúu indiví xihin ndóho ri. Ta já
najaní ri mé quimi cán jatá ñuyíví. Ta mé coo quini

cán nandaca ndichi rí yati nu ín ñáñáha cácu jahyi
cán jáchi cúni rí caxi rí jahyi ñá tá ná cacu a.

⁵ Tá nandihi já nacacu in ta jahyi ñá, da cahnda
ndeé chuun saha tóco ndihi ñayivi ñuyívi. Joo
nasañehe Ndióxi a ninu nu ín coo mé á.

⁶ Ta naxinu ñáñáha cán cuahan ñá chí xoo yucú
íchí jáchi mé cán sa nasacu tiahva Ndióxi nuú cuu
coo ñá coto ñahá tixi in mil ivi ciento uní jico quívi.

⁷ Tá nandihi já nacasáha cúu tondóhó indiví. Ta
naxini i Miguel xihín tátō Ndióxi nacani táhan na
xihín coo quini cán ta xihin tátō mé rí.

⁸ Joo coo nacuu quee vaha coo quini cán xihin
tátō Ndióxi ña cán quea coo nacuu canduu chága rí
cán indiví.

⁹ Ña cán quea najácana Ndióxi mé rí cán janda
ñuyívi yóho. Mé rí nasahiin rí janda sanahá
ndivaha. Ta naní rí Satanás, mé tiñáha sacuaḥa, rí
jandahvi tóco ndihi ñayivi ndúu ñuyívi. Mé rí xihin
tóco ndihi tátō rí ndíco jata ri najácana Ndióxi ri
janda ñuyívi yóho.

¹⁰ Tá nandihi já naxini johō i cáhan cóhō in a
indiví já cáchí a já:

—Sa naxinu coo quívi cacu ndaa ínima ñayivi
jáchi cómí Ndióxi cuéntá saha ná xihin ndéé mé
á. Ta sa naxinu coo quívi cahnda Jesucristo
chuun, mé a nachindahá Ndióxi cacomí cuéntá
sahá ñayivi. Sahá ña cán quea sa nataxí Ndióxi
tiñáha sacuaḥa nu ín mé á jáchi ñuú ta ndiví
nasahiin rí nu mé á chican rí cuachi jatá na cúu
cuéntá Jesús.

¹¹ Mé na cúu cuéntá Jesús naquee vaha na xihin
ri sahá ña nacaja Jesús, mé a cúu tátuhun ndicachi
loho tá naxita nī á ndica crúxu saha ná. Ta naquee

vaha na xihin ri jáchi coó najándacoo na cáhan na ña ndaa sahá Jesús. Ta co yíhvi toho na quiivi na saha mé á.

¹² Tóco ndihi ndó, na ndúu indivi xíní ñúhú cajii ini ndó. Joo ndáhví nahá nacuu na ndúu ñuyíví xihín na ndúu ini tañuhú. Jáchi xójo ndivaha ini tiñáhá sacuahá ta nanuu rí caja xíxi rí xihin ndó jáchi cándaá vaha ini rí ña sa ja chá cuití cúní ndihi saha ri —nacachi a indivi.

¹³ Tá nacandaá ini mé coo quini cán ña najácana Ndióxi rí ñuyíví já nacasáhá ri ndicuíta ñee rí ñáñáha, ña nacacu jahyi cán.

¹⁴ Joo nañehe ñá ivi ndixi náhnu ndivaha, ña cúú tátuhun ndixi tíyaha. Sahá ña cán queá nandachí xícá ña nu mé coo quini cán cuahan ña yucú íchí nuú nasahiin ñá. Ta cán coto na ña tixi uni cuia java.

¹⁵ Tá nandihí já nacaja mé coo quini cán ña ná queta cuahá ndivaha ticuúí yúhu ri. Ta já nacavaha rí in yuta jáchi cúní rí játañu rí mé ñáñáha cán.

¹⁶ Joo nachindeé ñundáhyi ñáñáha cán jáchi nandata ta naxihi ndihi a ticuúí nacana yúhu mé rí cán.

¹⁷ Ta xihín ña yóho ví ga ví naxojo ini coo quini cán xihín ñáñáha. Sahá ña cán queá naquee rí cuahan rí cani táhan rí xihín java ga táhan na naquixi chichi mé ñá. Mé na yóho cúú ná na cája ña sáhdá tuhun Ndióxi ta co jándacoo na cája na ña ndaa ña najána ha Jesucristo nu ná.

13

Tá naxini Juan ivi quití quini

1 Tá cándichi i nuú ñutí yuhú tañuhú já naxini i naqueta in quití quini tañu tañuhú cán. Ta nasahin usa yiquí jíní rí xihín uxu ndíqui rí. Ta cánúu in t̄iyiv̄i jatá in in ndíqui rí. Ta ndáa t̄uhun ña cánahá xihín Ndióxi nuú in in yiquí jíní rí.

2 Mé quití quini naxini i yóho, cáa rí tá quiahva cáa ndicaha. Ta saha rí ndáa ña tá quiahva ndáa saha oso. Ta yúhu rí cúú á tátuhun yúhu león. Ta mé coo quini cán nasahan rí ndée rí nu mé quití quini, rí naqueta ini tañuhú yóho ña ná cuu cacomí rí cuéntá sahá ña cómí mé coo quini cán cuéntá saha. Ta cúú cája rí ña cúú cája mé coo quini.

3 Ta in táhan ndíhusa yiquí jíní mé quití quini cán nandicuehe cáhví ña. Joo tá nandihí já nandivaha ña. Sahá ña cán queá ndaja táhan ñayivi ndúu ñuyiví nacatóntó ndivaha na. Ta já nacasáhá na ndíco na jatá mé quití quini cán.

4 Ta nacaja cáhnu ñayivi coo quini cán jáchí nasahan rí ndée rí nuú quití quini cán. Ta quiahva já nacaja cáhnu na mé quití quini cán já cáchí na já:

—Coo ga inga rí cáhnu chága nu quití quini yóho. Ta ni in rí a cúu quihvi caní táhan xihín rí —cáchí na cája cáhnu na mé quití quini cán.

5 Ta mé quití quini cán nañehe rí ñamaní ña ná cahán rí t̄uhun quini ndivaha, ña jándihihvi rí Ndióxi. Ta nañehe rí ñamaní cahnda rí chuun t̄ixi ivi jico ivi yoo.

6 Sahá ña cán queá nacasáhá cahán quini rí saha Ndióxi ta jándihihvi rí mé á xihín ña núu cahán rí. Ta cahán núu rí saha mé nu íin Ndióxi cán xihín saha tóco ndihí na ndúu indiví.

7 Ta nañehe rí ñamaní caní táhan rí xihín na cúu cuéntá Ndióxi janda quiahva quee vaha rí xihín

na. Ta ñañehe rí ñamaní cahnda rí chuun sahá ndaja táhan ñayivi ñaquixi ndijáá chichi xihín na cáhan tá nuú tuhun xihín na ndúu ndijáá ñuu xihín ndijáá nación.

⁸ Tóco ndihi ñayivi ñuyíví caja cáhnu na quití quini cán jáchi janda tá cámaní cava sáhá saha ñuyíví coó ñacahyi toho quivi ná nu libro nu ndáa quivi tóco ndihi na catacu anda ama cáa quivi. Mé libro yóho íin a nu Jesús, mé á cúú tátuhun ndicachi loho, rí ñaxihí ndica crúxu.

⁹ Cuni johó vaha ndó, na vaha johó.

¹⁰ Ndá na ná chicaan in na vecaa, cuhun ri mé va na vecaa. Ta ndá na ná cahní inga na xihín yuchú cáni, xihín yuchú cáni quivi ri mé va na. Sahá ña cán quea xíní ñúhú quiahva ndeé ini na cúú cuéntá Ndióxi ta xíní ñúhú candeé cáhnu ini na mé á.

¹¹ Tá ñandihí já ñaxini i inga tucu quití quini, rí ñaqueta nuú ñundáhyi. Ta ñasahin ivi ndíqui ri ta ndáa ña tá quiahva ndáa ndiquí ndicachi. Joo cáhan rí tátuhun cáhan in coo quini.

¹² Ta ñacaja chúun rí tóco ndihi ndéé mé quití quini nu cuítí cán nu íin mé rí. Ñacaja rí ña ná caja cáhnu tóco ndihi ñayivi ndúu ñuyíví mé rí ñaqueta nu cuítí cán. Jáchi ñandicuehe cáhví jiní rí nu cuítí cán joo ñandivaha rí.

¹³ Mé inga quití quini cáhivi cán ñacaja cuahá ndivaha rí ñaha xitúhún. Ñacaja rí ña ná quixi ñúhu cáyi chí indiví ta ñaxinu a ñacuyu a ñuyíví nu tóco ndihi ñayivi.

¹⁴ Ta najándahvi rí ñayivi ndúu ñuyíví xihín tóco ndihi ña xitúhún, ña ñañehe rí ñamaní caja rí yóho nu mé rí nu cuítí cán. Ta ñasahnda mé inga rí cán chuun nuú ñayivi ñuyíví ña ná cavaha na in tiniñu

yúú quití quini nū cuítí cán. Mé rí nandicuehe quini ndivaha rí xihín yuchú cáni joo nandivaha rí.

¹⁵ Ta mé rí cáhivi cán nañehe rí ñamani ña jánditacu rí tiniñu yúú mé rí nū cuítí cán já ná cuu cahan rí. Ta já ná cuu cahnda rí chuun ña ná cahní rí ñayivi, na co cúní caja cáhnu mé rí quini cán.

¹⁶ Ta mé rí cáhivi cán naçaja rí ña ná quihvi marca ndahá cuáha ñayivi á taan na. Ta coo caja toho a á cúú ná na valí á na náhnu, á cúú ná na cuicá á na ndahví. Ta ni coo caja toho a á cúú ná na xica núná, á cúú ná na cómí xitoho cuéntá saha. Nū tóco ndihi ñayivi naquihvi marca naçaja mé rí cán.

¹⁷ Ta ni in ñayivi a cuú cueen na ñaha ta ni a cuú jicó na ñaha tá coo nanani mé marca cán na. Ta tá co cándaa quivi mé quití quini, rí nū cuítí cán taan na á tá coo numero mé rí cándaa taan na já quea a cuú cueen na ñaha jáchi numero yóho náha ndaja naní mé rí nū cuítí cán.

¹⁸ Xihín ña yóho cuu candaa ini ndó ndá na cúú na ndíchi jini. Ndá ndó, na cándaa ini xini ñuhú jitá ndo cuéntá xihín numero ña cúú quivi mé rí nū cuítí cán jáchi cúú á tátuhun quivi ñayivi. Ta numero yóho cúú á iñu ciento uní jico iñu.

14

Tá xita in ciento ivi jico comi mil ñayivi cája cáhnu na Ndióxi

¹ Tá nandihí já naxini i Jesús, mé á cúú tátuhun ndicachi loho cándichi a jata yucu naní Sión. Ta xihín mé á ndíta in ciento ivi jico comi mil ñayivi,

na ndáa quiví Jesús taan, mé a cúu tátuhun ndicachi loho cán. Ta quiahva já ndáa quiví Ndióxi, tátá a taan na.

² Ta naxini johó i in a cáhan chí indiví. Ta tá cáhan mé a cán cúu á tátuhun tá níhi cüyü ticuí tañu tóto. Ta níhi a tátuhun tasa tá cána. Ta tácu a tá quiahva tácu nu jácaha cuahá ndivaha na arpa.

³ Ta naxini johó i ña saá xíta mé in ciento ivi jico comi mil ñayivi nu ín coo Ndióxi cán xihín nuú comi mé ña tácu cán xihín nuú na sacuahá cán. Mé na xíta cán cuítí va cúu na cuu catiahva cata na ña jáchi cúu ná na naxaxi Ndióxi jácacu a tañu ñayivi ndúu ñuyíví.

⁴ Ta na yóho cúu ná na vií, na coó naxaja quini mé jáchi coó nasanduu na xihín najihí. Cúu ná na nasandico ní tiempo jata Jesús, mé a cúu tátuhun ndicachi loho. Cúu ná na naxaxi Ndióxi jácacu a nu cuítí ña ná joco a na nu mé á xihín nu Jesús, mé a cúu tátuhun ndicachi loho.

⁵ Ta ni in tálaá ña tuhún coó naxahan na. Ta ni in na coó naxuu ñehe ín chícáan cuachi jata ná.

Tá cáhan uní táto Ndióxi tuhun vaha saha Jesucristo nuú ñayivi ndúu ñuyíví

⁶ Tá nandihí já naxini i inga táto Ndióxi ndáchí a mahñú ndaa indiví. Ta ñehe a tuhun vaha sahá Jesucristo ña ín anda ama cáa quiví caxi tuhun a ña nuú ñayivi ndúu ñuyíví, mé na naxixi ndijáá chichi xihín na cáhan tá nuú tuhun xihín na ndúu ndijáá ñuu xihín ndijáá nación.

⁷ Ta já cáyuhú mé táto Ndióxi cán já cáchí a já:

—Xíní ñúhú cayihví ndó Ndióxi ta xíní ñúhú caja cáhnu ndó mé á jáchi sa naxinu coo quiví caja vií mé á sahá ñayivi. Xíní ñúhú caja cáhnu ndó mé á

jáchí mé á quéa ñacavaḥa indiví xihín ñuyíví ta mé á quéa ñacavaḥa tañuhú xihín ndijáá nu cána ticuiví —cáchi tátō Ndióxi cán.

⁸ Tá ñandihí já ñaxini i inga tátō Ndióxi ta já ñacachi a já:

—Ay, ay, sa ñandihí va sahá ñuu cáhnu naní Babilonia xihín sahá ñayivi ñasanduu jan. Ta ña jan ñasacuu na ña ñajánaḥa ichí quini nuú ñayivi ndúu ñuyíví já ná caja na tá nuú ña núu. Joo víti sa ñandicava va mé Babilonia —cáchi tátō Ndióxi, ña cáhiví cán.

⁹ Tá ñandihí já ñaxini i ñaqueta inga tátō Ndióxi, ña cáhuni. Ta ñacasáhá cáyuhú cóhó a já cáchi a já:

—Ndá ña ná caja cáhnu quití quini xihín tiniñu yúu ri ta sahan na ñamaní ña ná ñani marca mé rí cán taan na á ndáḥa ña

¹⁰ Já quéa ndoho ndivaḥa ini na caja Ndióxi jáchi xójo ndivaḥa ini mé á xihín ñayivi quini. Jácana Ndióxi ña nu cándaha ñúhu cáyi xihín azufre ta candehé tóco ndihí tátō Ndióxi ta candehé Jesús, mé a cúu tátuhun ndicachi loho cán ña ndóho na.

¹¹ Ta cána ñihma ini nu ñúhu mé ña ndóho ini cán anda ama cáa quiví. Ta ni ñuu ni ndiví co ndíquehe ndée ná nu ndóho ini na jáchi ñacaja cáhnu na quití quini cán xihín tiniñu yúu ri ta ñasahan ña ñamaní ña ñanani marca quiví rí cán yiquí cuñu na.

¹² Xíní ñuhú quiḥva ndeé ini ña cúu cuéntá Ndióxi, mé ña cája tóco ndihí ña sáhdá Ndióxi ta co jándacoo na ña cája cáhnu na Jesús —cáchi tátō Ndióxi cáhuni.

¹³ Tá ñandihí já ñaxini joho i ñaquixi in a cáhan chí indiví já ñacachi a já xihín i:

—Cahyún ña ná cahan i xuhun yóho: “Viti ta chí nuu cajii ini na naxihi, na cándeé ini Jesús, xitoho na” —cáhí a.

Ta já cáhí ínima yii Ndióxi já:

—Mé a ndaa cajii ini na cán jáchi ndiquehe ndée ná sahá ña nacaja chúun vaha na cuéntá mí i. Ta ña vaha nacaja na cán coo a níí tiempo xihin ná —cáhí ínima yii Ndióxi.

Tá jándoho Ndióxi ini ñayivi

¹⁴ Tá nandihi já nasandehé e ta já naxini i in vico yaa. Ta cánu in da cáa tá quiahva cáa in ñayivi jatá mé vico. Ta cánu in tiyivi jiuhun cuáán yiquí jíní da ta cáñee in machiti tojo jeen ndáha dá.

¹⁵ Tá nandihi já naqueta inga táto Ndióxi ini veñuhu Ndióxi cán ta já cáyuhú cóho a já cáhí a já xihin mé da ín coo jatá vico cán:

—Xíní ñuhú casáhun jáqueún ña ín ñuyiví xihin machiti tojo ñéhun jan jáchi sa naxinu coo va hora jáqueún ña ín jatá ñuyiví jáchi sa nachichi va viti —nacachi a.

¹⁶ Anda já naxini i nacasáha mé da nasanuu jatá vico cán jáquihvi da machiti tojo da jatá ñuyiví ta já najaquee da ñha jatá ñundáhyi.

¹⁷ Tá nandihi já naxini i naqueta inga tucu táto Ndióxi ini veñuhu ín indiví cán ta quiahva já cáñee inga machiti tojo jeen ndaha a.

¹⁸ Ta nu ín nu náa mé veñuhu cán naqueta inga táto Ndióxi, mé a cómí cuéntá saha ñuhu ita ña cáyi. Ta já nacahan cóho a xihin mé táto Ndióxi nu cuítí cán, ña cáñee machiti tojo jeen ndáha cán já nacachi a já:

—Xíní ñúhú jáquihvún machiti tojo jeen cáñee ndáhun jan ta casáhá cahndún uva cúun nu dó uva ndúu ñuyíví jáchi sa nachichi uva nu do —nacachi a.

¹⁹ Anda já jáyaha tátō Ndióxi cán machiti tojo nuú ñundáhyi ta já nasahnda ndihi a uva nu tó uva cán ta nataán a uva cán ini in pila cáhnu ña ná cuhni ri. Ta ña yóho náha ndá quiahva quini ndoho ini ñayivi caja Ndióxi jáchi xójo ndivaha ini a xihin ná sahá cuachi cája na.

²⁰ Ta tá nasuhní uva cán ini mé pila cáhnu yuhú ñuu cán já nacana nji, dó cúu tátuhun yuta cúná janda quiahva cani ndaa dó yati yuhú in cuáyi. Ta tá quiahva cáni xíca dó cuahan do cúu á tátuhun uní ciento kilómetro.

15

Tá xínu coo tátō Ndióxi xihín usa chága tondóhó quixi jatá ñuyíví

¹ Tá nandihí já naxini i inga tucu ña cáhnu chí indiví ta chí nacatontó i. Ta ña naxini i cúu usa tátō Ndióxi ta in in ña yóho ñéhe a chága tondóhó quixi jatá ñuyíví ña ná jándihí a ña xójo ini Ndióxi.

² Ta naxini i in ñaha ta náha tátuhun in tañuhú ta tá quiahva ín nuú yutátá quiahva já ín nuú do joo cúu dó dó cáva táhan xihín ñúhu cáyi. Ta yati jín mé tañuhú náha tátuhun yutátá cán ndíta ñayivi, na nacandeé nasahnu nu tóco ndihí ña núu sahá ña coo nacaja cáhnu na quití quini xihín tiniñu yúu ri. Ta ni coo naquehe na túni ña cúu número mé rí quini cán. Ta mé na ndíta cán cáñee arpa ndáha na, dó nasahan Ndióxi nu ná.

³ Ta xíta na ña naxita Moisés, mé da nacaja chúun cuéntá Ndióxi. Ta xíta na ña naxita Jesús, mé a cúu tátuhun ndicachi loho cán ta já cáhí na já:

Cátóntó nde tá xíní nde tóco ndihi ña nacavaha mé ndó, Ndióxi, xitoho nde,

jáchi íin ndée ndó caja ndó tóco ndihi ñaha.

Íchi cuéntá mé ndó cúu á íchi ndacú ta cúu á íchi cuéntá ña ndaa.

Ta mé ndó cúu ndó ña cómí cuéntá sahá ndaja táhan nación ndúu ñuyíví yóho.

⁴ Tóco ndihi ñayivi yíhví na ndohó, mé a cúu xitoho nde ta cáhan na ndaja cáhnu cúu mé ndó.

Jáchi in túhún mé ndó cúu ndó Ndióxi yíi.

Ta tóco ndihi ñayivi ndúu ndijáá nación xinu na caja cáhnu na mé ndó,

jáchi náha ndá quiahva cája ndó ña ndaa, cáhí na xíta na.

⁵ Ta tá sa nayaha ña yóho já nasandehé ta naxini i nanuna veñuhu indiví, ña nacavaha na xihín ñíi quítí. Ta nasañuhu ley Moisés cán.

⁶ Ta ini mé veñuhu indiví naqueta ndíhusa tátó Ndióxi, mé a ñéhe usa nuú tondóhó quixi jatá ñuyíví. Ta ndíxi tátó Ndióxi cán jahmá víí, ña lino, ña ndató ndivaha yéhe. Ta ndácaan in cinturón ña jiuñun cuáán tóco á ta cáni a janda yati yicá ndicá a.

⁷ Ta in táhan ndícomi mé ña tácu cán nasahan in in cóhó, ña jiuñun cuáán nuú in in táhan ndíhusa tátó Ndióxi cán. Ta ini in in cóhó cán ñíhu ndaja táhan tondóhó ña vaxi jatá ñayivi ndúu ñuyíví caja Ndióxi, mé a tácu anda ama cáa quívi.

⁸ Ta nachutú ndaa veñuhu cán xihín ñihma, ña náha ndá quiahva cáhnu cúu Ndióxi xihín ndá

quiahva cáhnu cúú ndée mé á. Ta ni in na coó nañehé ñamaní quihvi ini veñuhu cán janda quiahva naxinu ndíhusa tondóhó, ña ñéhe ndíhusa tátō Ndióxi cán.

16

Usa coho ña ñúhu usa tondóhó

¹ Tá nandihí já naxini joho i naçahan cóhó in a tañu veñuhu indiví cán. Ta já cáchí a xihín ndíhusa tátō Ndióxi cán já:

—Cuáhán ndó cuyu ndó ndíhusa coho jan jata ñuyíví. In in a cán cúú á in tondóhó chindahá Ndióxi jata ñuyíví ta ndoho ndivaha ini ñayivi xihín á —cáchí a.

² Anda já in tátō Ndióxi, mé a nu cuítí nasahan naçuyu a ña ñúhu ini coho ñéhe a cán jata ñuyíví. Ta já naxinu cuehe táhyi, ña ihvi ndivaha yiquí cuñu ñayivi, na naquehe marca quití quini cán, mé na naçaja cáhnu tñiñu yúú ri.

³ Tá nandihí já inga tátō Ndióxi ña cáhivi cán naçuyu a ña ñúhu ini coho ñéhe a jata tañuhú. Ta tóco ndihí dó nanduu dó nijí tátuhun níí ndii. Ta tóco ndihí ña tácu ini tañuhú cán naxihí ndihí a.

⁴ Ta tá nandihí já naçuyu tátō Ndióxi ña cáhuni cán ña ñúhu ini coho ñéhe a jata ndijáá yuta xihín ndijáá nu cána ticuúí ta nanduu dó nijí.

⁵ Tá nandihí já naxini joho i çahan in tátō Ndióxi, mé a cómí cuéntá sahá ticuúí cán já cáchí a já:

—Tátá Ndióxi, mé ndó cája ndó ña ndaa jáçhi naçaja vií ndó sahá ñayivi jan. Yii ndivaha cúú ndó ta íin ndó viti ta janda saha nasahin ndó.

⁶ Najándoho ndó ini ñayivi jan jáçhi nasata na níí na cúú cuéntá mé ndó xihín níí na profeta tá

na₁sahní ñahá na. Joo viti na₁caja ndó xihín ná ña ná coho na ni₁ já ná ndoho ini na. Ta quiahva já cáni a coo a —na₁cachi tátō Ndióxi cán.

⁷ Tá nandihi já na₁xini jōho i in a cáhan nu náa Ndióxi cán já cáchí a já:

—Tátá Ndióxi, mé ndó cúú ndó xitoho nde ta ín ndée ndó caja ndó tóco ndihi ñaha. Ta na₁caja ndó ña ndaa tá na₁caja vií ndó sahá ñayivi —cáchí a.

⁸ Tá nandihi já na₁xini i inga tátō Ndióxi ña cácomi cán ta na₁cuyu a ña ñúhu ini coho ñéhe a jatá candii. Ta xihín ña yóho nañehé candii cán ndée á chicaoan ñúhu a ñayivi xihín ñúhu cáyi.

⁹ Ta já na₁cayi quini ndivaha tóco ndihi ñayivi. Joo coó na₁xeen na ndicó coo ini na ta ni coó na₁caja cáhnu na Ndióxi. Ña na₁caja na quea na₁casahá na cánahá ndivaha na xihín Ndióxi, mé a ín ndée nu tóco ndihi tondóhó quíxi jatá ñuyívi yóho.

¹⁰ Tá nandihi já na₁xini i inga tátō Ndióxi, ña cáhuhun cán ta na₁cuyu a ña ñúhu ini coho ñéhe a jatá táyi nu ín coo quití quini cán. Ta já na₁xini i na₁canaá yávi mé nu ndúu na sáhndá rí chuun nu cán. Ta já na₁casahá mé na cán sáxí yihí na yáa ná jáchi na₁casahá ndóho ndivaha ini na.

¹¹ Joo coó najándacoo na ña núu cája na. Ta sahá ña na₁cahíhvi ndivaha yiquí cuñu na cán xihín cuehe ndóho na já na₁canahá ndivaha na xihín Ndióxi, mé a ín indiví.

¹² Tá nandihi já na₁xini i inga tátō Ndióxi, ña cáhiñu cán ta na₁cuyu a ña ñúhu ini coho ñéhe a jatá in yuta cáhnu naní Eufrates. Ta já na₁hichí ndihi ticuí na₁ñuhu ini yuta cáhnu cán ta já na₁nuna núu yaha na cúú rey, na na₁quixi chí xoo nu cána candii.

13 Tá nandihí já naxini i naqueta uní ínima quini. In rí naqueta yúhu coo quini ta inga rí naqueta yúhu quití quini ta inga rí naqueta yúhu da cúu profeta túhún cán. Ta mé ínima quini cán ndáa tá quiahva ndáa láhva cúhdó.

14 Ta rí cán cúu ínima rí quini, rí nacaja ña xitúhún nuú ñayivi. Ta cúu rí rí queta cuahan jataca ndaja táhan rey sáhdá chuun nuú ñayivi ndúu ñuyíví já ná cani táhan na xihin Ndióxi. Jáchí sa nacayati quiví nahá ndá quiahva cáhnu cúu Ndióxi jáchí mé á queá ín ndée cája tóco ndihí ñaha.

15 Anda já nacachi Ndióxi já: “Cuéntá coo ndó jáchí tá quiahva jonáa xínu da cuíhná quiahva já jonáa xínu i nu ndo. Ín saha cáji ini ndá na sa ndátí tiahva saa i jáchí cúu ná tátuhun na nasandíxi tiahva jáhma. Já queá ná a cácahan nuu ná tá ndáa lahla na nuú ñayivi”, cáchí a.

16 Ta rí quini cán najátaca rí tóco ndihí rey sáhdá chuun nuú ñayivi in nuú naní Armagedón tuhun hebreo.

17 Tá nandihí já inga tátó Ndióxi ña cáhusa cán nacuyu a ña ñúhu ini coho ñéhe a nu táchí. Ta já naxini johó i cáhan in a ini veñuhu indiví nu ín coo Ndióxi nu sácoo rey cán. Ta cáhan cóhó á já cáchí a já:

—Sá nayaha tóco ndihí ña ndítahan coo —nacachi a.

18 Tá nandihí já naxini i nacasáhá cána tasa. Ta naxini johó i jandá vaá johó cúu tácu cáhan na. Ta naxini johó i jandá johó cána javí. Ta nacasáhá quíji ninu ñundáhyi jáchí nacasáhá táan ndee ndivaha. Ta mé ndítáan yóho nasacuu a ña ndee chága nu tóco ndihí ña táan jáchí janda

quíví nasacu Ndióxi ñayivi ñuyíví coó naquixi inga nditáan ndeé tátuhun ña yóho.

¹⁹ Ta mé ñuu cáhnu ndivaha cán nandata uní ña. Ta ndijáá ga ñuu náhnu ndúu ñuyíví nacuyu ndihi a. Ta nandicuhun ini Ndióxi sahá ñuu cáhnu naní Babilonia cán ta najándoho mé á ini na ndúu cán jáchi xójo ndivaha ini a xihín ná. Ta ña ndóho na cúú á tátuhun xíhi na vino cuénta tondóhó.

²⁰ Ta tóco ndihi isla ñúhu ini tañuhú xihín ndijáá java ga yúcu ndúu jata ñundáhyi nandihí sahá.

²¹ Ta naxini i nacuun ñíí náhnu ña vee ndivaha tátuhun ivi jico kilo in in a. Ta janda indiví naquee a nacuyu a jata ñayivi ndúu ñuyíví. Ta nacasáhá na cánahá na xihín Ndióxi sahá ña najácuyu a ñíí yóho jata ná. Jáchi mé a ndaa ña yóho nasacuu a in tondóhó cáhnu ndivaha naquixi nu ná nacaja Ndióxi.

17

Tá jándihi Ndióxi saha ña xíca jii

¹ In táhan ndíhusa tátó Ndióxi ña cáñee in táhan usa cohó ndáha cán naxinu a nuú i já nacachi a já xihín i:

—Naha quí yóho jáchi cúni jánaha i nuun ndá quiahva ndoho ini ña xíca jii, ña cáhnu, ña ín coo nuú cuahá ticuí.

² Tóco ndihi na cúú rey ndúu ñuyíví yóho naquiji na xihín ña cán. Najáxini ña tóco ndihi ñayivi ñuyíví xihín ña núu nacaja ña tá naquiji ña xihín na co cúú yí ña —nacachi tátó Ndióxi cán xihín i.

³ Anda já nacaja ínima yii Ndióxi xihín i ña ndáca tátó Ndióxi yehe nasahan i yucú íchí xihín á. Ta cán naxini i in ñáñáha cánúu jata in quití quini, rí

cuáhá. Ta ní cúú rí naçacutú xihín tuhun quini ña cánahá xihín Ndióxi. Ta naçini i ín usa yiquí jíní rí xihín uxu ndíqui rí.

⁴ Ta mé ña cánúu jaṭa rí cán ndíxi ña jáhma ndíhi ticayí, ña naçava táhan xihín ña cuáhá. Ta naçacutú ña xihín jiuḥun cuáán xihín yuu yáhví ndivaha xihín perla. Ta naçini i cáñee in coḥo jiuḥun cuáán ndáha ña. Ta naçhutú ndaa coḥo cán xihín ña núu ta xihín ña tiquíni naçaja ña xihín dataa.

⁵ Ta ndáa in tuhun taan ña, ña co cándaḡa ini ñayivi. Ta já cúni cachi mé tuhun cán: “Ñuu Babilonia cúu ñuu cáhnu ta cúu á tátuhun náná tóco ndihi najihí xíca jii. Ta cúu á tátuhun náná ndaja táhan ga ña núu ndúu ñuyíví yóho.”

⁶ Tá nandihí já náha ña naçini ndivaha mé ñañáha jáchi naçihí ña níi na cúu cuénta Ndióxi, na naçihí sahá ña coó najándacoo na cáhan na saha Jesús. Ta tá naçini i ña yóho já naçatóntó ndivaha i.

⁷ Ta já naçachi táto Ndióxi cán já xihín i:

—Ndá cuénta quea catóntó nahún. Xíní ñúhú cuni johó vahún ña cahan i xuhun jáchi ndicani i nuun ndía cúni cachi ña ín jehé saha ñañáha yóho. Ta jári ndicani i nuun ndía cúni cachi quití quini, mé rí cánúu ña, rí ín usa yiquí jíní xihín uxu ndíqui cán.

⁸ Mé quití quini naçinún yóho naçatacu rí sanahá joo viti co tácu ga rí. Joo vaçi quivi ndindita rí ta queta rí tañu yávi, ña co xínu nu ndíhi nu cán. Ta tá nandihí já cuhun rí ndíhi saha rí chí uun. Ta catóntó ndivaha tóco ndíhi ñayivi ndúu ñuyíví, na coó naçahyí quivi janda tá cámaní cava sahá saha ñuyíví nu libro nu ndáa quivi tóco ndíhi na

catacu anda ama cáa quivi. Cátóntó ndivaha na tá ná cuni na mé quití quini yóho, rí nasahiin sanahá ta co tácu ga rí viti joo nditacu tucu rí nu ná.

⁹ Ta ndá ndó, na ndíchí jini, cuu candaa ini ndó ña yóho: Ndíhusa yiquí jíní quití quini cán cúú á yuhú nuú usa yúcu nu ín coo mé ñáñáha xíca jii cán.

¹⁰ Ta jári cúú á yuhú nuú usa rey. Ta uhun táhan rey yóho sa nandíhi va saha. Ta inga táhan rey yóho sáhndá da chuun nuú ñayivi viti ñuhú. Ta inga ga rey ña cáhusa cán cámaní xinu coo. Joo tá ná xinu coo da yóho já a cóo nahá toho da cahnda da chuun nuú ñayivi.

¹¹ Ta quití quini, rí nasatacu sanahá ta viti sa coo ga ri, rí cán cúú rí yuhú nuú rey, da cáhuna cán. Vatí cúú dá táhan java ndíhusa rey cán joo tá nandíhi cahnda da chuun cuhun da ndíhi saha dá chí uun.

¹² Ta ndíhuxu ndíqui naxinún yóho cúú á yuhú nuú uxu rey, mé na cámaní casahá cahnda chuun nuú ñayivi ndúu ñuyíví. Joo in tálaá hora ñehe táhvi na cahnda na chuun xihin mé quití quini cán nuú ñayivi tátuhun rey.

¹³ Ta ndíhuxu rey yóho jándique táhan na tuhun na ña ná quiahva na ndée ná nu mé quití quini já ná cahnda rí chuun.

¹⁴ Ta caní táhan ndíhusa na cán xihin Jesús, mé a cúú tátuhun ndicachi loho cán. Joo quee vaha Jesús xihin ná jáchi cúú á xitoho na náhnu ndúu ñuyíví yóho ta cúú á rey nuú ndaja táhan rey. Ta xoo Jesús cán canduu na nacana Ndióxi, mé na naçaxi a cacomí a cuéntá saha. Cúú ná na coo najándacoo ña cándéé ini na mé á —nacachi táto

Ndióxi xihín i.

¹⁵ Tá nandihi já n̄acachi tucu tát̄o Ndióxi cán já xihín i:

—Ticuií, dó n̄axinún nu íin coo ñá xíca jii jan cúú dó yuhú nuu ndijáá ñuu xihín ndijáá nación xihín ndijáá ñayivi, n̄ cáhan tá nuú tuhun.

¹⁶ Ta ndíhuxu ndíqui n̄axinún nuú quití quini jan cúú á yuhú nuu mé uxu rey, n̄ candají ñá xíca jii jan. Ta jándacoo na ña ta já caca lahla ñá. Ta caxí ndáá n̄ yiquí cuñu ñá. Ta chicaoan ñúhu ná ña xihín ñúhu cáyi.

¹⁷ Jáchi jáxinu Ndióxi ini n̄ cán ña ná caja na ña cúni mé á. Ta jándique táhan n̄ cán tuhun na ña ná ndiquiahva na chuun ndójo na nu mé quití quini cán ña ná cacuu rí tátuhun rey janda quiahva ná xinu coo nuú ña n̄acachi Ndióxi coo.

¹⁸ Ta ñáñáha n̄axinún cán cúú ñá yuhú nuu ñuu cáhnu cán ña sáhdá chuun nuú ndaja táhan n̄ cúú rey —cáchi tát̄o Ndióxi cán.

18

Tá jándihi Ndióxi sahá ñuu Babilonia

¹ Tá sa nayaha tóco ndihi ña yóho já n̄axini i inga tát̄o Ndióxi, ña ndójo chuun cáhnu ta nanuu a chí indiví. Ta chí n̄andiyihvi ndaa jatá ñuyivi xihín quiahva yéhe mé tát̄o Ndióxi cán.

² Ta já n̄acasáhá cáyuhú cóhó a já cáchi a já:

—Ay, ay, sa nandihi va sahá ñuu cáhnu Babilonia cán ta n̄anduu a tátuhun cavá tiñáhá. Cúú á tátuhun nuú n̄andicutú ndaa ínimá quini ñúhu rí. Ta n̄anduu a tátuhun in choho nu ñúhu tá nuú laa quini, rí cándají ñayivi.

³ Nandihí sahá ñuu Babilonia yóho, mé a cúu tátuhun in ñáñáha xíca jii. Jáchí najáxini ñá ndaja táhan ñayivi ndúu ñuyívi ta najácahan ñá na ña ná caja na tá nuú ña núu ña xíca ini na caja na. Ta mé na ñuu Babilonia jan nasahan na ñamani ña ná xinu coo ndaja táhan da náhnu sáhndá chuun nuú nación ña ná xinu da ñuu Babilonia jan cuju da xihin ñá xíca jii jan. Ta na cája ndahvi ndicuicá na xihin tá nuú ña núu caja ñá jáchí sátá johó ñá ña cuicá ña —cáchi tátó Ndióxi cán.

⁴ Tá nandihí já naxini johó i inga cáhan chí indiví ta já cáchi a já:

—Ndóhó, na cúu cuénta mí i, cuáqueta ndó jatá ñuu jan já ná a cája ndó cuachi cája na ñuu jan. Ta já ná a xínu coo tondóhó vaxi nuú na ñuu jan jata ndo.

⁵ Jáchí sa nacacuahá ndivaha cuachi na ta janda indiví xínu coo cuachi na. Ta co ndíndójó Ndióxi sahá cuachi cája na.

⁶ Ta tá quiahva nacija na jan xihin inga ñayivi quiahva já ndítahan caja ndó xihin ná viti. Ta janda ivi táhndá chága ví ndicó coo ndó caja ndó xihin ná. Ta tá quiahva najácoho na jan inga ñayivi quiahva já ivi táhndá chága ví ndítahan quiahva ndó nu ná coho na.

⁷ Nandiñehe jícó ndivaha na mé ná sahá ña cán quéa ndítahan jándoho ndivaha ndó ini na viti. A juú quiahva nanduu cuicá na sahá ña cán quéa ndítahan caja xíxi ndó xihin ná viti. Cáhán na ña cahnda na chuun nuú in nación. Ta cáhán na ña a ndóho toho ini na. Ta cáhán na ña co cúu ná tátuhun in ñá cuáan.

⁸ Sahá ña cán quéa tixi in tálaá quiví quixi tá nuú ña núu nu ná. Já casáhá quiví na ta cacuéha ndivaha ini na ta xinu joco nu ná. Ta já chican Ndióxi na nu ñúhu cáyi jáchi jándihi Ndióxi, xitoho í saha ná, mé a ín ndée cája tóco ndihi ñaha —cáchi a.

⁹ Ta já casáhá cuacu ndijáá rey, na sáhdá chuun nuú ñayivi ndúu ñuyíví. Ta tahnda ini na tá ná cuni na ñihma cána ñuu Babilonia cán. Jáchi mé na náhnu yóho naquihvi nuu na xihin ña xica jii cán ta najátiví na jiuhún na xihin ña.

¹⁰ Ta xicá xicá nasacandichi na jáchi yíhvi na sahá ndá quiahva quini ndóho ini ña cúu yuhú nuu ñuu Babilonia cán. Ta já casáhá cáchi mé rey cán já:

—Ay, ay, ndáhví nahá nacuu ndó, ñuu Babilonia jáchi vatí cúu ndó ñuu cáhnu ndivaha joo in too johoh na xinu hora ndóho ini ndó —cáchi na cán.

¹¹ Ta ndijáá na cája ndahvi ndúu ñuyíví cuacu ri na cán va ta tahnda ndivaha ini na sahá ñuu Babilonia jan jáchi a cóo ga na cueen ñaha ndójo na xinu coo na.

¹² Ta ña sádojo na cán quixi na jicó na cúu jiuhún cuáán xihín jiuhún cúxú xihín yuu yahvi ndivaha xihin perla vaha xihin jahmá vaha ndivaha ña cávaha xihín yahva naní lino xihin jahmá seda xihin jáhma ndíhí ticayí xihin jáhma cuáhá nij xihin ndijáá nuú yító támi sahan xihin ñaha cávaha xihin nuhu yóco elefante xihin ndijáá yító yahvi ndivaha xihin ndijáá ñaha cávaha xihin caa cuáán xihín ña cávaha xihin caa uun ta jári ñaha cávaha xihin yuu naní mármol.

13 Ta quiahva já sãñehe na canela xínu cõo na xihín ndijáá ñaha támi sáhan. Ta ñehe na jusa xihín mirra xihín perfume viti. Ta quiahva já ñehe ri na vino xihín aceite xihín harina vaha xihín trigo. Ta quiahva já sãñehe ri na quití xójo xihín ndicachi xihín cuáyí xihín carreta. Ta janda ñayivi xéen na caja chúun nu ná sãñehe na. Ña yóho sádojo na quíxi na joo ni in na a cuéen ga ñaha na.

14 Ndiáá na cája ndahví cán cahan na xihín ñuu Babilonia cán já cachi na já:

—Coó ga cuihi vaha, rí cátóo nahá ndó caxí ndó. Ta viti sa nandihí saha tóco ndihí ña lándá xihín ña cuicá nasanduu nu ndó jan —cáchi na.

15 Ta na nacaja ndahví xihín tóco ndihí ñaha yóho nandicuicá ndivaha na xihín ndahví nacaja na xihín na ñuu Babilonia cán. Ta xicá xicá candita na candehé na ñuu Babilonia cán jáchi yíhvi na ndoho na tá quiahva ndóho ini na cán. Ta cuacu ndivaha na ta tahnda ndivaha ini na.

16 Ta já cáchi na já:

—Ay, ay, ndahví nahá nacuu ñuu cáhnu Babilonia jan. Ndató ndivaha nasanaha ñuu yóho tátuhun in ñañaáha ndíxi jahmá lino vaha ndivaha xihín jahmá ndíhí ticayí xihín jahmá cuáhá ñi. Ta nacacutú ña xihín jiuahun cuáán ta xihín yuú yahvi ndivaha ta xihín perla.

17 Joo in too johó nandihí saha tóco ndihí ña cuicá nasacomí mé ñuu Babilonia jan —nacachi na.

Ta ndijáá na sáhdá chuun nuú na ñehe barco, xihín ndijáá na cándójó xica xihín ndijáá na cája chúun ini mé barco cán xihín ndaja táhan na cája ndahví xihín ña quixi chí tañuhú cán nasandita xicá na sãndehé na.

18 Ta tá naxini na ndíndita ñihma ña cáyi ñuu cán já nacayuhú na já nacachi na já:

—Ni in túhún toho inga ga ñuu co quée táhan xihín ñuu Babilonia ña cáhnu yóho —nacachi na.

19 Ta xihín ña táhnda ini na nachojó na ña yácá jini ná. Ta nacasáhá sácu ndivaha na já cáyuhú na já cáchí na já:

—Ay, ay, ndáhvi nahá nacuu ñayivi nasanduu ñuu cáhnu jan jáchi xihín ña cuicá nasacomí na najácacuícá na ndijáá da xíca nuu tañuhú xihin barco. Joo in too johoh nandihí sahá ña jan —cáchí na cán sácu na.

20 Ta ndítahan cajji ini na ndúu indiví sahá ña nandoho ñuu cáhnu yóho. Ta quiahva já ndítahan cajji ri ini ndijáá na cúu cuéntá Ndióxi xihín na cúu apóstol xihín na cúu profeta. Jáchi xihín ña nacaja Ndióxi xihín ñuu Babilonia yóho nandiquehe a cuéntá sahá ña núu nacaja mé na cán xihin ndó, na cúu cuéntá Ndióxi.

21 Tá nandihí já naxini i in táto Ndióxi, ña ín cuaha ndé. Ndíñehe a in yuu cáhnu ña cúu á tátuhun in yuu yojó. Ta najácana a ña ini tañuhú ta já nacachi a já:

—Tá quiahva najácana i yuu yojó yóho ini tañuhú ta nasaco a cahá tañuhú cuahan quiahva já yaha ri xihín ñuu Babilonia. Vatí cúu a in ñuu cáhnu ndivaha joo anda ama cáa quivi a ndícó coo ga ñayivi cuni na ña.

22 Ta ni música a tácu ga mé ñuu jan ta ni a cáha ga arpa ni tóyoó ni trompeta. Ta ni in ga ñayivi a cája chúun ga ñuu jan jáchi ni in túhún toho ndahvi a cája na. Ta ni a tácu ga yuu yojó ña ndíco najihí.

²³ Ta janda ni in íti loho a túun ga ñuu jan. Ta ni a cáhan ga ñayivi vicó tándaḥa jáchi coó ga ña jan coo. Jáchi na najicó ñaha cán nasacuu na na náhnu ndúu ñuyíví ta najándahvi na ndaja táhan ñayivi ndúu ñuyíví xihín ña tají naçaja na —cáchi táto Ndióxi.

²⁴ Ta ndoho ini na jáchi mé ñayivi ñuu Babilonia jan nasahní na na profeta xihín na cúu cuéntá Jesús ta anda cuahá ñayivi ndijáá ñuu ñuyíví nasahní ñahá na.

19

¹ Tá sa nayaha tóco ndihi ña yóho já naxini johó i cáhan cóhó cuahá ndivaha ñayivi indiví ta já cáchi na já:

Cáhnu cúu Ndióxi jáchi in túhún mé á quea jácacu mí.

Ta íin ndée mé á caja tóco ndihi ñaha ta cáni nu yó caja cáhnu ndivaha í mé á.

² Jáchi ndaa caja ndihi mé á ñaha tá caja vií a sahá ñayivi.

Ta ndaa naçaja mé á tá nasacu ini a jándihi a sahá ñuu Babilonia jan jáchi nasacuu a tátuhun ñá xíca jii.

Jáchi xihín tóco ndihi ña núu nasacaja ña ña quíji ñá xihín na co cúu yí ña najátiví ndihi ña ñayivi ndúu ñuyíví.

Sahá ña cán quea najándihi Ndióxi saha ña ta já natahnda cuéntá sahá ña naçaja ña tá nasahní ña na cúu cuéntá Ndióxi, cáchi na cáhan indiví cán.

³ Tá nandihí já naçasahá tucu na cán cáhan na já cáchi na já:

—Cáhn̄u cúú Ndióxi jáchi ñajaja mé á ña cáyi ñuu cán ta anda ama cáa quivi ndíndita ñihma ña —já cáhí ña indivi cán.

⁴ Ta ndihoco comi ña sacuaña ndúu cán xihín ndícomi mé ña tácu cán ñacaxítí ña janda quiahva ñacani ndaa taan na nu ñúhu ta já ñajaja cáhn̄u na Ndióxi, mé a íin coo nu sácco rey cán. Ta tá cája cáhn̄u na Ndióxi já cáhí ña já:

—Já ná coo. Cáhn̄u cúú Ndióxi —cáhí ña.

⁵ Ta janda nu íin coo Ndióxi cán ñaxini joh̄o i cáhan in a ta já ñacachi a já:

—Tóco ndihi ndó, ña cája chúun cuéntá mé á xíní ñúhú caja cáhn̄u ndó Ndióxi, mé a cája cáhn̄u í. Coó caja toho a á cúú ndó ña ñáhn̄u á ña valí jáchi cája ndó ña sáhn̄dá mé á —cáhí a.

Tá coo víco indivi sahá ña ndiquehe Jesucristo ña cúú cuéntá mé á

⁶ Tá ñandihí já ñaxini joh̄o tucu u ña tácu tátuhun tá cáhan cuahá ndivaha ñayivi. Ta tácu ña tátuhun tá cáha cúyu ticuú tañu cáva ta tácu ña tátuhun tá cána tasa. Ta já cáhí ña já:

Cáhn̄u cúú Ndióxi, xitoho í, mé á cája cáhn̄u í jáchi sa ñacasahá mé á cómi a cuéntá sahá ñayivi viti.

Ta íin ndéé mé á caja tóco ndihi ñaha.

⁷ Xíní ñúhú cavatá yo ta xíní ñúhú cajii ndivaha iní caja cáhn̄u ndivaha í mé á.

Jáchi sa ñaxinu coo quivi ndiquehe Jesucristo, mé a cúú tátuhun ndicachi loho, ña cúú cuéntá mé á.

Cacuu a tátuhun tándaña Jesucristo xihín ña cúú cuéntá mé á, ña sa ndúu tiañva na tándaña ña xihín mé á.

⁸ Ta ñehē táhvi ná candixi na jahmá vaha ndivaha, ña naní lino ta cúú á ña vií ndivaha ta ndató ndíyhvi a, cáchí na.

Jáchí mé jahmá vií ña naní lino cán náha ña naxica vaha na cán íchí cuéntá Ndióxi.

⁹ Tá nandihí já nacachi mé tátō Ndióxi já xihín i:

—Cahyún ña yóho. Cajji ini ñayivi, na nacana Ndióxi cūhun indiví tá ná xinu cōo quiví ndiquehe Jesucristo, mé a cúú tátuhun ndicachi loho cán, na cúú cuéntá mé á —nacachi tátō Ndióxi cán xihín i.

Ta nacachi tucu a já:

—Mé a ndaa ndinuhu tuhun Ndióxi cúú ña yóho —nacachi a xihín i.

¹⁰ Anda já nacaxítí i nu tátō Ndióxi cán ña ná caja cáhnu i ña. Joo já nacachi a já xihín i:

—A cáxítí tohún nuú yehē jáchí ndítahan caja cáhnún Ndióxi. Jáchí yehē cúú ũ dá cāja chúun nu Ndióxi tá quiahva cāja chúun yóhó xihín java ga na cúú cuéntá Jesús, na cúú ñanún, na cō jándacoo cáhan ña ndaa, ña najánaḥa Jesús nuú ñayivi. Caja cáhnún Ndióxi —cáchí a.

Jáchí na cúú profeta cándéé ini na ña jánaḥa Jesús ña ndaa sahá ña cán quéa cáhan na ña nuú ñayivi.

Tá naxini Juan in a cánúu cuáyi yaa

¹¹ Tá nandihí já naxini i nanuna indiví ta naqueta in cuáyi yaa. Ta mé a cánúu rí cán naní a: mé a cō cáva ivi joho ini. Ta naní tucu a: ña ndaa. Jáchí ndaa cāja vií a sahá ñayivi ta ndaa cāja mé á tá quihvi táhan cáni táhan xihín ná.

¹² Ta tá quiahva yehē nu cándaa ñúhu cáyi quiahva já yehē nduchú núú a. Ta cándojó cuahá

ndivaha t̄iyivi j̄ini á. Ta ndáa in qūivi taan mé á joo in túhún mé á x̄ini ndá qūivi qūea ndáa taan.

13 Ta nandaxi jáhma mé á x̄ihín n̄ij. Ta naní a: t̄uhun Ndióxi.

14 Ta naxini i ndíco in táhnda cáhnu soldado cuéntá indivi jatá cuaḥan n̄a x̄ihín á. Ta ndíxi na jahmá vaha ña naní lino. Ta cúú á jahmá yaa cachi, ña ndató vií ña. Ta in in n̄a cán cánúu cuáyí yaa cásahan n̄a x̄ihín á.

15 Ta yúhu mé á ña cúú t̄uhun Ndióxi cán quéta in yúchu cáni ña jeen ndivaha. Ta x̄ihín mé yúchu jeen cán jándicuehe quini ndivaha mé á ndijáá ñayivi ndúu ñuyíví. Ta cahnda ndeé mé á chuun saḥa ná. Ta cája vií a saḥa ná tá quiahva cája da sáni nihni jatá uva ini pila ña ná cuhn̄i r̄i. Ta mé Ndióxi cúú á jándoho ndivaha ini ñayivi jáchi xójo ndivaha ini mé á x̄ihín ná ta mé á cúú á Ndióxi ña in ndeé caja tóco ndihi ñaha.

16 Ta jatá jáhma ndíxi mé a cán x̄ihín nu j̄ihin a ndáa java t̄uhun já cáchí ña já: “Yehe cúú rey nuú ndaja táhan rey ta cúú u xitoho nuú n̄a náhnu ndúu ñuyíví”, cáchí a.

17 Tá nandihí já naxini i in tátō Ndióxi cándichi a jatá candii. Ta já nacayuhú cóhó a nuú ndijáá laa, rí ndáchí nu táchi. Ta já nacachi a já x̄ihín r̄i:

—Naha ndihi ndó taca ndó cajini ndó ña quiahva Ndióxi nu ndo.

18 Ta ña caxí ndo cacuu a yiquí cuñu n̄a náhnu, n̄a sáhnda chuun nuú ñayivi. Ta caxí ndo yiquí cuñu n̄a cúú sacuaḥa nu soldado x̄ihín yiquí cuñu n̄a ndacú. Ta caxí ndó yiquí cuñu cuáyí x̄ihín yiquí cuñu da cándójó jatá r̄i. Ta caxí ndó yiquí cuñu n̄a x̄ica núná mé x̄ihín n̄a cómí xitoho cuéntá saḥa. Ta

quiahva já caxí ndó yiquí cuñu na valí xihín na náhnu viti —cáchi a.

¹⁹ Tá nandihí já naxini i rí cúú quití quini cán nataca rí xihín na náhnu, na sáhdá chuun nuú ñayivi ndúu ñuyiví ta xihín soldado na. Nataca na cani táhan na xihín mé a cánúu jata cuáyí yaa cán xihín soldado mé á.

²⁰ Ta natiin mé á quití quini cán xihín da cúú profeta túhún, mé da nacaja ña xitúhún nu mé rí cúú quití quini cán. Jáchi xihín ña xitúhún nasacaja mé profeta túhún cán najándahvi da ñayivi ta najácahan da na ña ná nani marca mé rí quini cán yiquí cuñu na. Ta já nacaja cáhnu na tiniñu yúú ri. Ta naxini i najácana tácu Ndióxi mé quití quini cán xihín profeta túhún cán ini indayá, ña cúú tátuhun in mini nu cándaha ñúhu cáyí xihín azufre.

²¹ Ta na java ga cán naxihí na xihín yúchu cáni ña naqueta yúhu mé a cánúu jata cuáyí yaa cán. Ta ndijáá laa nataca ndihí rí caxí rí yiquí cuñu na janda quiahva nandivaha ini rí.

20

Cáhan Juan sáhá in mil cuia tá ná candico ndaa tiñáhá sacuaqa

¹ Tá nandihí já naxini i nanuu in tátø Ndióxi chí indiví ta ñéhe a yávi ña súná yuhú yávi cúná, ña co xínu nu ndíhi nuu cán. Ta cáñee in cadena ndeé ndáha á.

² Ta natiin mé á coo quini, rí cúú tiñáhá sacuaqa naní Satanás, rí nasahin janda saha. Ta natató a ri xihín cadena cán tixi in mil cuia.

³ Ta najácana a ri ini yávi cúná nuú nachicaji a ri. Ta nasacu a in sello yuhú yéhe nu ndácaan ri já ná

a quéta rí jándahvi rí ñayivi ñuyíví janda quiahva ná yaha mé in mil cuia. Ta tá sa nayaha in mil cuia já janí tucu rí caca nuu rí tixi chá tiempo cuití va.

⁴ Tá nandihí já naxini i ndíta cuaha táyi vaha nu ndúu coo na candojo chuun ña caja vií na sahá ñayivi. Ta quiahva já naxini ri cán ndúu ínimá na nachitúhun na yiquí jíní na jáchi nacahan na tuhun Ndióxi, ña ndaa najánaha Jesús nuú ñayivi. Ta cúu ná na coó nacaja cáhnu quití quini cán xihín tiniñu yúu ri. Ta ni coó nasahan na ñamaní nani marca ri taan na ni ndáha ná. Ta naxini i nanditacu tucu mé na cán ta anda jáví mé ná xihín Jesús nasacomí na cuénta sahá ñayivi tixi in mil cuia.

⁵ Ta na yóho cacuu na nu cuítí nditacu tucu. Joo java ga na naxihí cán camaní nditacu na jáchi ndítahan nu ná candati na janda quiahva ná yaha in mil cuia.

⁶ Cajii ini ñayivi, na nditacu tañu na jánditacu Ndióxi nu cuítí cán jáchi cúu ná na nandicaxi mé á. Jáchi a cùhun toho na indayá nu ndoho ini ñayivi quini. Ña cán cacuu a tátuhun quivi na chí ivi. Ña yaha xihín ná quéa nduu na jutú caja ndíví na nu Ndióxi xihín nuú Jesucristo. Ta xihín mé á cacomí na cuénta sahá ñayivi tixi in mil cuia.

⁷ Ta tá sa ná yaha in mil cuia cán já janí Satanás, mé tiñáhá sacuahá nu ndácaan rí ndájí ri cán.

⁸ Ta já queta rí jándahvi rí ndijáá ñayivi ndúu ñuyíví. Ta jándahvi rí ñayivi ndúu ñuu naní Gog xihín ñuu naní Magog ña ná taca na caní táhan na. Ta na soldado taca cán cacuu na tátuhun ñutí ndúu yuhú tañuhú xihín ña cuaha cúu ná.

⁹ Ta ndicuíta nuu ñayivi ndijáá ñuu ñuyíví ta cava yivi na jatá tóco ndihí na cúu cuénta Ndióxi. Ta

quiahva já cava yivi na jatá ñuu Jerusalén, mé ñuu ña quíhvi ini Ndióxi. Joo jácuyu Ndióxi ñúhu cáyi indiví ta jándihi a saha ná.

10 Ta mé tiñáhá sacuaḥa, mé rí najándahvi ñahá cán jácana Ndióxi ri ini in m̄ini nu cándaha ñúhu cáyi xih̄in azufre. Ta sa mé cán cúu nu jácana mé á quití quini xih̄in ḍa cúu profeta túhún. Ta cán cañuhu na ndoho ini na ñuú ta ndiví anda ama cáa quivi.

Tá cája víi Ndióxi sahá ñayivi

11 Tá nandihí já naxini i in táyi cáhnu, dó yaa cachi nu sácoo Ndióxi. Ta nuu mé á nandiñúhú tóco ndihí ñuyívi xih̄in indiví ta chí a vája ga cuu cuní ña.

12 Ta naxini i ndijáa na sa naxih̄i, na válí xih̄in na náhnu ndíta na nu ín coo Ndióxi. Tá nandihí já naxini i nanuna nuú java libro. Ta nanuna inga libro nu ndáa quivi tóco ndihí na catacu anda ama cáa quivi. Ta já nacavií sahá ña nacaja in in na sa naxih̄i cán jáchi ini mé libro cán ndáa tóco ndihí ña nacaja in in ñayivi.

13 Ta nandindita tóco ndihí na naxih̄i ini tañuhú xih̄in na nanduxu já ná caja víi Ndióxi sahá ndihí na tá quiahva cáa nacaja in in na cán.

14 Janda jávi a quívi ga ñayivi ta a cūhun ga ínima na nuú nataca ínima na naxih̄i. Joo najácana Ndióxi ñayivi quini ini mé m̄ini nu cándaha ñúhu cáyi. Mé m̄ini cán cúu á indayá nuú ndoho ini ñayivi ta cúu á tátuhun quivi na chí ivi.

15 Ta mé cán cúu nuú najácana Ndióxi tóco ndihí na co ndáa quivi nu mé libro nu ndáa quivi ñayivi catacu anda ama cáa quivi.

21

Tá naxini Juan indiví saá xihín ñuyívi saá

¹ Tá nandihí já naxini i indiví saá xihín ñuyívi saá. Jáchi sa nandihí va sahá indiví xihín ñuyívi ña nu cuítí cán. Ta jári tañuhú sa coó ga dó ñúhu viti.

² Ta yehe, da cúu Juan naxini i nanuu ñuu Jerusalén saá, ña yí ta naquixi a chí indiví nu iin Ndióxi. Ta tá quiahva ndató cácutú in ñañaña tándaña ndiquehe ña yí ña quiahva já ndató nacacutú ñuu Jerusalén cán.

³ Tá nandihí já naxini joho i nacayuhú cóhó a chí indiví ta já cáchi a já:

—Ndióxi ín a tañu ñayivi viti jáchi cúu ná cuéntá mé á. Ta coo a xihín ná jáchi cúu á Ndióxi, mé á cája cáhnu na.

⁴ Ta mé á yacó ndihí a ticuí nu ná ña nasacu na. Ta a quíví ga na. Ta ni a cuácu ga na. Ta ni a táhnda ga ini na. Ta ni a ndíhíhvi ga na. Jáchi sa najándihí Ndióxi saha tóco ndihí ña cán, ña nasahíin jihna — cáchi a.

⁵ Ta mé a ín coo nu sácoo rey nacahan ta já nacachi a já:

—Candehé. Yehe ndája saá i tóco ndihí ñaha.

Ta já nacachi tucu a já:

—Cahyún tóco ndihí ña cáhan i xuhun yóho jáchi cúu á ña ndaa ta cuu candee ini ndó ña — cáchi a.

⁶ Tá nandihí já nacachi tucu a já xihín i:

—Sa najáxinu coo i tóco ndihí ñaha. Yehe cúu u nu cuítí ta yehe cúu u nu ndíhí jáchi janda tá cámaní cava sahá saha tóco ndihí ñaha sa ín va yehe ta coo tá coo i vatí ná ndihí sahá. Ta ndá na cúni candaá chága ini sahá yehe já caha i ña ná cuu

candaa ini na sahá i. Ta cúu á tátuhun íchi ini na ticuú, dó cája ña ná catacu na anda ama cáa quivi. Ta cóo toho yahvi quehe e nu ná saha do.

⁷ Ta ndá na ná cana vaha nu tóco ndihi ña núu ñehe táhvi na ndiquehe na tóco ndihi ña yóho nuú i. Ta yehe cacuu u Ndióxi, mé á caja cáhnu na ta mé ná cacuu na jahyi i.

⁸ Joo na láhá xihín na co cúni candúsa tuhun Ndióxi xihín na cándají na cúu cuéntá Ndióxi, mé ná cán cūhun na indayá nu cándaha ñúhu cáyi xihín azufre. Ta cán cūhun ri na sáhní ndji xihín ndijáá na ndúu xihín na co cúu yí á ñájíhí na. Ta cán cūhun ndijáá na cája tá nuú ña tají xihín na cája cáhnu yoco xihín na cáhan ña tuhún. Ña yóho cacuu a tátuhun quivi na chí ivi jáchi ndoho ndivaha ini na ini indayá nu cándaha ñúhu cáyi xihín azufre — cáchí a.

Cáhan Juan sahá ñuu Jerusalén saá

⁹ Ta ndaja coo in táhan ndíhusa táto Ndióxi ña ñehe usa cōho nu ñúhu usa ña núu quixi jatá ñuyívi naxinu a nuú i ta já nacachi a já xihín i:

—Naha quí yóho candehún. Jáchi jánaḥa i nuun na cúu cuéntá mé a cúu tátuhun ndicachi loho. Na yóho cúu ná tátuhun in ñá tándaḥa ta Jesucristo cúu á tátuhun yí ña —cáchí a.

¹⁰ Anda já nacaja ínimā yí Ndióxi xihín i ña ndáca táto Ndióxi yehe já nasahan i in yúcu jícó ña cáhnu. Ta cán naxini i ñuu Jerusalén ña yí, ña nanuu chí indivi nu ín Ndióxi cán.

¹¹ Ta mé ñuu cán ndató ndivaha yehe ña jáchi cája mé á ña ná ndiyehē ña. Ta jíñu ña tá quiahva jíñu yuu yahvi ndivaha tátuhun yuu jaspe. Ta cúu

á tátuhun yutátá jáchi cuu candehé yó chíhini a janda inga xoo a.

¹² Ta jata mé ñuu cán nacava nuu in náma yuu cáhnu ta jícó ndivaha. Ta nasahiin uxu ivi yéhé a nu ndíta in in tátō Ndióxi in in yéhé a. Ta ndica yéhé cán ndáa quiví ndihuxu ivi táhndá na naquixi chichi Israel.

¹³ Ta uní yéhé sándehe nū xoo cána candii. Ta uní yéhé sándehe nū xoo chí norte. Ta uní yéhé sándehe nū chí sur. Ta uní yéhé sándehe nū xoo quéta nuu candii.

¹⁴ Náma yuu ñuu Jerusalén cán nasahiin uxu ivi yuu ndúhu saha. Ta jata yuu cán ndáa quiví ndihuxu ivi na apóstol, na naxica tuun xihin Jesús, mé a cúu tátuhun ndicachi loho cán.

¹⁵ Mé tátō Ndióxi ña cáhan xihín i cán cáñee in tóyoó jiuahun cuáan ndáha ña ná chiquiahvá mé á ñuu cáhnu xihin yéhé a xihin náma yuu ña ndájí jata.

¹⁶ Ta nachiquiahvá a ña xihin tóyoó cán ta in quiahva ndáa ndicomí xoo mé ñuu cán ta chí in quiahva cáni a ta in quiahva ndica ña. Ta quiahva ñéhe a cúu á ivi mil ivi ciento kilómetro. Quiahva já cáni ña ta quiahva já jícó ña ta quiahva já ndica ña.

¹⁷ Tá nandihí já nachiquiahvá tátō Ndióxi cán náma yuu ndájí jata ñuu cáhnu cán. Ta quiahva ñéhe a cúu uní jico comí metro. Ta metro cája chúun tátō Ndióxi cán cúu dó tátuhun dó chiquiahvá ñayivi ndúu ñuyiví ñaha.

¹⁸ Ta mé náma yuu ndájí jata ñuu cáhnu cán nacavaha ña xihín yuu jaspe. Ta mé ñuu cáhnu cán

naçavaḥa ña xihín jiuḥun cuáán, ña cúu tátuhun yutátá ña vií ndivaḥa nuu.

¹⁹ Ta mé yuu ndúhu ña naçana saḥa mé náma yuu cán naçacutú a xihín tá nuú yuú yahvi ndivaḥa. Yuu ndúhu nu cuítí cán naçacutú a xihín yuu naní jaspe. Ta ña cáhivi cán naçacutú a xihín yuu naní zafiro. Ta ña cáhuni cán naçacutú a xihín yuu naní ágata. Ta ña cácomi cán naçacutú a xihín yuu naní esmeralda.

²⁰ Ta ña cáhuhun cán naçacutú a xihín yuu naní ónice. Ta ña cáhiñu cán naçacutú a xihín yuu naní cornalina. Ta ña cáhusa cán naçacutú a xihín yuu naní crisólito. Ta ña cáhuna cán naçacutú a xihín yuu naní berilo. Ta ña cáhiin cán naçacutú a xihín yuu naní topacio. Ta ña cáhuxu cán naçacutú a xihín yuu naní crisoprasa. Ta ña cáhuxu in cán naçacutú a xihín yuu naní jacinto. Ta ña cáhuxu ivi cán naçacutú a xihín yuu naní amatista.

²¹ Ta ndíhuxu ivi yéhe ini ñuu cáhnu cán cúu á uxu ivi perla. Ta tá in tá in yéhe cán naçavaḥa xihín in tálaá perla ní. Ta mé cáyé cáhnu ñuu cán cúu á ña naçavaḥa xihín ndinuhu jiuḥun cuáán, ña cúu tátuhun yutátá jáchi janda inga xoo a tívi.

²² Ta ni in túhún veñuhu coó naçini i ini mé ñuu cáhnu cán. Jáchi mé Ndióxi, xitoho í, mé a in ndée cája tóco ndihi ñaha cúu á tátuhun veñuhu na. Ta jári Jesús, mé á cúu tátuhun ndicachi loho cán cúu á tátuhun veñuhu na.

²³ Ta mé ñuu cáhnu cán co xíní ñúhú toho a çandii ni yoo ña ná jándiyehē ñahá jáchi xihín quiaḥva yéhe Ndióxi cán jándiyehē a mé ñuu cán. Ta Jesús, mé a cúu tátuhun ndicachi loho cán cúu á tátuhun lámpara jándiyehē a ñuu cán.

24 Ndi²⁴jáá ñayivi, na ñaquixi ndijáá nación ñuyívi caca nuu na ini ñuu cáhnu cán xihín quiahva yéhe a. Ta ndijáá na sáhdá chuun nuú ñayivi ñuyívi xinu na ñuu cán ta ndiquiahva na tóco ndihi ña cuicá cómi na nu mé ñuu cán.

25 Ta a cándaji toho yéhe a tá ndiví ta coó toho ña ñuú coo cán.

26 Ndi²⁶jáá ña cuicá xihín ña náhnu cuénta ñayivi ñuyívi yóho cañehe na ña nu mé ñuu cán.

27 Joo ni in túhún ña quini a quíhvi toho ini ñuu cán. Ta ni in na cája ñaha cándaji Ndióxi a quíhvi cán. Ta ni na cátóo jándahvi ñayivi a quíhvi cán. Na ndihvi cán cuití va cúu ná na ndáa quivi nu libro nu ndáa quivi tóco ndihi na catacu anda ama cáa quivi. Mé libro yóho ín a nuú Jesús, mé á cúu tátuhun ndicachi loho.

22

1 Tá nandihí já najána¹ha táto Ndióxi cán in yuta víi nuú i nu ñúhu ticuí, dó cája ña ná catacu ñayivi anda ama cáa quivi. Ta tá quiahva yéhe yutátá quiahva já yéhe nuu do. Ta cána dó chí xoo nu ín coo Ndióxi xihín Jesús, mé a cúu tátuhun ndicachi loho cán.

2 Ta yáha dó mé mahñú ndaa íchi cáhnu mé ñuu cán. Ta in in xoo yuta cán sáhnu yíto, dó cája ña ná catacu ñayivi anda ama cáa quivi. Ta tá yoo tá yoo cúun cuíhi nu dó cán. Ta uxu ivi tañu cúun cuíhi nu do nu cuía. Ta ndáha do cája ña ná ndivaha ñayivi ñuyívi.

3 Ta cán ni in ga ñaha a cúhun chahan jata. Ta Ndióxi xihín Jesucristo, mé a cúu tátuhun ndicachi

loho cán coo a nu sácoo rey mé ñuu cáhnu cán. Ta na cúu cuéntá Ndióxi caja cáhnu na mé a cán.

⁴ Ta cuni táhyí na nuu mé á ta candaa quivi mé á taan na.

⁵ Ta cán coó toho ñuu coo. Ña cán quéa na canduu cán a cúní ñúhú ga na ñúhu lámpara ta ni a cúní ñúhú ga na ña ná yehe candii jáchi mé Ndióxi, xitoho na jándiyehé a nu ná. Ta cahnda na chuun tátuhun rey anda ama cáa quivi.

Sa cáyati quivi quixi Jesucristo

⁶ Tá nandihí já nacachi tátō Ndióxi cán já xihín i:

—Tuhun yóho cúu á ña ndaa ta cuu candeé inún ña. Jáchi mé Ndióxi, xitoho í, mé a cája ña ná cahan profeta, mé a cán quéa nachindahá a tátō mé á já ná caxi tuhun a nuú na cúu cuéntá mé á ña yachi quixi tóco ndihí ña yóho —nacachi a.

⁷ Ta já cáhí Jesús já:

—Sa saa yachi va yehe. Cajii ini na cándúsa tuhun cáhan sahá ña yaha chí nuu, ña ndaa nu libro yóho —cáhi a.

⁸ Yehe, da cúu Juan naxini johó i ta naxini ndihí i ña yóho. Ta tá nandihí naxini johó i ña ta tá nandihí naxini i ña já nacaxítí i nu tátō Ndióxi ña caja cáhnu i ña jáchi mé a najánaḥa ña yóho nuú i.

⁹ Joo nacahan tátō Ndióxi cán xihín i já nacachi a já:

—A cáxítí tohún nuú yehe jáchi ndítahan caja cáhnún Ndióxi. Jáchi yehe cúu u da cája chúun nu Ndióxi tá quiahva cája chúun mún xihín ñanún, na cúu profeta cuéntá Ndióxi xihín na cándúsa ña cáhan libro Ndióxi yóho —nacachi tátō Ndióxi cán xihín i.

10 Tá nandihí já ñacachi tucu a já xihín i:

—A chíjehé tuhún sahá tuhun Ndióxi, ña ndáa nu libro yóho jáchi sa ñacayati tiempo xinu nuu á coo a.

11 Joo ndá da cája quini ná caja quini chága da tá cúni da. Ta ndá da coó vií ná caca tiquíni mé dá tá cúni da. Joo ndá da vaha ná ndíhi ini da caja da ña vaha. Ta ndá da nandiquiahva vaha mé ndáha Ndióxi ná ndíhi ini da caca ndacú da íchi cuénta mé á —cáchi tátō Ndióxi xihín i.

12 Ta já ñacachi Jesús já xihín i:

—Candehé. Sa saa yachí vi. Ta vaxi i ñéhe e yahvi quehe in in ñayivi. Ta ndiquiahva i nuú in in na ña ndítahan quehe na sahá ña ñacaja na.

13 Yehe cúu u nu cuítí ta yehe cúu u nu ndíhi jáchi jandá tá camaní cava sahá saha tóco ndíhi ñaha sa in va yehe ta coo tá coo i vatí ná ndíhi sahá —cáchi a.

14 Cajii ini ñayivi, na nandaja vií ínima jáchi cúu á tátuhun ndícata na jáhma ná já ná cuu ñehe táhvi na caxí na cuíhi nuú yitó cuíhi, dó cája ña ná catacu ñayivi anda ama cáa quivi. Jáchi xihín ña yóho cuu quihvi na chí yéhe ñuu cáhnu cán.

15 Joo chí jata mé ñuu cán candoo tóco ndíhi na ñacaan cája ña núu xihín tóco ndíhi na cája ña tají xihín ndijáa na ndúu xihín na coo cúu yíí ná á ñájíhí na. Ta jata ñuu cán candoo ri na sáhní ndji xihín na cája cáhnu yoco xihín na cáhan ña tuhún xihín na jándahvi ñani táhan.

16 —Yehe cúu Jesús ta ñachindahá i tátō mí i já ná caxi tuhun a ña yóho xihín ndijáa na cúu cuénta mí i, na ndítaca ndijáa veñuhu. Yehe ñacaja i ña ñacacu rey David ta ñaquixi i chichi mé David.

Cúu ʋ tátuhun quimi cáhnu, rí quéta tá nativi — cáchí Jesús.

¹⁷ Mé ínimá yii Ndióxi xihín na cúu cuéntá Jesús cana na Jesús ña ná quixi a ta já cachi na já:

—Naha quíi ndo.

Ta ndá na xini joho ña yóho xini ñúhú cachi ri na cán va:

—Naha quíi ndo.

Ta ndá na íchi ini ticuí, na cúni coho dó ná quixi na nu mé á já quiahva ticuí nu ná, dó caja ña ná catacu na anda ama cáa quivi. Ta coó toho yahvi quehe mé á nu ná saha do.

¹⁸ Ta ña yóho quéa cúni cachi i xihin tóco ndihi ndó, na xini joho ña ndáa nu libro yóho: Ta ndá na ná chinúu chága tuhun jatá ña sa cáhan libro yóho já quéa chinúu ri Ndióxi tondóhó, ña ndáa nu libro yóho jata ná.

¹⁹ Ta ndá na ná tava tuhun cáhan Ndióxi, ña ndáa nu libro yóho já quéa tava Ndióxi quivi ná ña ndáa nu libro mé nu ndáa quivi tóco ndihi ñayivi catacu anda ama cáa quivi. Ta mé na cán a cuú quihvi na ñuu yii ndivaha cán ta ni a quiahva Ndióxi nu ná ñaha cáhan mé libro yóho saha.

²⁰ Ta sahan Jesús tuhun saha tóco ndihi ña yóho já cáchí a já:

—Mé a ndaa sa saa yachi vi —cáchí a.

Já ná coo. Naha quíi ndó Jesús, xitoho nde.

²¹ Ña cúni quéa ná caja cuahá Jesucristo, xitoho í ñamaní xihín ndihi ndó. Já ná coo.

**Tuhun saá ña najá^{ndacoo} Jesucristo nu yo: El
Nuevo Testamento en el mixteco de
Silacayoapan
New Testament in Mixtec, Silacayoapan
(MX:mks:Mixtec, Silacayoapan)**

copyright © 2009 Wycliffe Bible Translators, Inc.

Language: Mixtec, Silacayoapan

Translation by: Wycliffe Bible Translators, Inc.

Mixtec, Silacayoapan

mks

Mexico

Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Mixtec, Silacayoapan

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.
Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 18 Apr 2025 from source files dated 29 Jan 2022

7f2d3ecf-6d15-55a5-9081-6e970474df2f